

RELIQVIAE
ANTIQVAE
VRBIS ROMAE,

Quarum fingulas

INNOCENTIO XI. ALEXANDRO VIII. & INNOCENTIO XII.
P P. M M.

diligentissime perscrutatus est, ad vivum delineavit,
dimensus est, descripsit, atque in aes incidit

BONAVENTURA AB OVERBEKE.

OPVS POSTVMVM

MICHAEL AB OVERBEKE

fuis sumptibus edi curavit.


TOMVS II.



AMSTELAEDAMI

excudit IOANNES CRELLIVS. Anno cIdo Idcc viii.

CVM PRIVILEGIO.



L' A R C D E T I T E.



ARC de TITE, qui est bâti de Marbre, & le plus ancien qu'il y ait aujourd'hui, est situé entre la Place Romaine & l'Amphithéâtre de Flavius, tout auprès de l'Eglise de S. Marie la Neuve.

L'Inscription suivante nous apprend qu'il fut érigé à l'honneur de Tite par le Senat & le Peuple Romain.



S E N A T V S
POPVLVSQVE. ROMANVS
DIVO. TITO. DIVI VESPASIANI. F
VESPASIANO. AVGVSTO

C'est-à-dire, *Le Senat & le Peuple Romain* consacrent ce Monument à l'honneur de *Tite Vespasien Auguste, Fils de Vespasien*.

Lucius Faunus rapporte une autre Inscription, qui fut trouvée dans le voisinage, parmi des ruines, & qui étoit peut-être sur la façade du second Arc. La voici,

IMP. TITO. CAESARI. DIVI. VESPASIANI. F
VESPASIANO. AVG. PONTIFICI. MAXIMO
TRIB. POT. X. IMP. XVII. COS. VIII. P. P
PRINCIPI. SVO. S. P. Q. R
QVOD. PRAECEPTIS. PATRIS. CONSILII. SQUE. ET
AVSPICIS. GENTEM. IVDAEORVM. DOMVIT. ET
VRBEM. HIEROSOLYMAM. OMNIBVS. ANTE. SE
DVICIBVS. REGIBVS. GENTIBVSQVE. AVT. FRVSTRA
PETITAM. AVT. OMNINO. INTENTATAM. DELEVIT

C'est-à-dire, *Le Senat & le Peuple Romain* consacrent ce Monument à la gloire de *Tite Cesar Vespasien Auguste, Fils de Vespasien, Souverain Pontife, Tribun pour la 10. fois, Imperator pour la 17, Consul pour la 8, Pere de la Patrie, leur Prince, pour avoir, par les conseils & sous les auspices de son Pere, domté les Juifs, & détruit la Ville de Jerusalem, que tous les Généraux d'Armée, avant lui, plusieurs Rois & Nations avoient attaquée inutilement, ou dont ils n'avoient osé faire le Siege.*

Son Triomphe des Juifs est représenté en relief sur les Murailles, au dessous de la voute de cet Arc. D'un côté, on y voit l'Empereur dans un Char, couronné par une Victoire ailée, l'Arche de l'Alliance vient ensuite, & il y a des Licteurs, ou des Sergens, qui précèdent avec douze faisceaux. De l'autre côté paroissent les Trophées, le Chandelier d'or, les Tables de la Loi, & plusieurs Vases du Temple de Jerusalem. Tite est au milieu de la Voute, sur un Aigle, dont les ailes sont déployées, & qu'il tient de l'une & de l'autre main. Les Juifs représentés sur les Façades, avec les mains attachées derrière le dos, sont conduits en esclavage, comme un troupeau de Bêtes. On peut lire Josephé là-dessus (*Liv. VII. de la Guerre des Juifs, Ch. 24.*) où il parle de la magnificence de cet Arc, & de la pompe de ce Triomphe.

Tom. II.

Il y en a qui croient que cet Arc fut érigé après la mort de Tite; parce qu'il y paroît sur un Aigle, & qu'ils prennent cela pour une marque de son Apothéose. Il semble même qu'Herodien est de cette opinion, lors qu'il parle (*Lib. IV. cap. 2.*) en ces termes : *Car, dit-il, c'est la coutume des Romains, de consacrer les Empereurs, qui laissent des Enfans, ou des Successeurs, après leur mort; & ceux à qui l'on fait cet honneur, sont mis, à ce qu'ils prétendent, au rang des Dieux.* Quoi qu'on n'accordât cet honneur à personne, qu'après que le Corps étoit inhumé, que les Ceremonies des Funeraillies étoient achevées, & que le Bûcher étoit réduit en cendres; Angelo & Nardin veulent que cet Arc fut élevé durant la Vie de Tite, & que l'Epithète de *Divus*, que l'Inscription lui donne, n'est pas une preuve du contraire, puis qu'on le donnoit quelquefois aux Empereurs vivans. Mais je ne suis pas de leur avis, appuié sur le témoignage de Tacite, (*Ann. XV. cap. 74. § 4.*) qui dit, *Je trouve dans les Commentaires du Senat, que Cerealis Anicius désigné Consul fut d'opinion, Qu'on élevât au plutôt, & aux dépens du public, un Temple à l'honneur du Divin Neron. Anicius le lui decernoit, comme s'il avoit déjà quité le faite des Grandeurs mortelles, & qu'il méritât la veneration des Hommes; mais ce n'étoit qu'un présage de sa mort future : car un Prince n'est mis au rang des Dieux, qu'après qu'il a cessé de vivre entre les Hommes.* J'embrace donc le sentiment d'Olaus Borrichius, qui s'exprime de cette maniere : *Je suis persuadé, dit-il, que cet Arc fut érigé, après la mort de Tite, comme son Apothéose, qui paroît sur la Voute, en est une preuve sensible. On y voit cet Empereur sur le dos d'un Aigle, prêt à s'envoler au Ciel, & je m'étonne qu'Angelo, & Nardin, qui est d'ailleurs fort exact, n'y aient pas pris garde.*

Les Colonnes en font canelées, de Marbre de Paros, & de l'Ordre composé; & leur Diametre est de 2 Palmes Romains & 10. Pouce.

Nous donnons ici trois différentes Estampes de cet Arc, afin qu'on en puisse mieux connoître toutes les parties.







A R C V S

S E P T I M I I S E V E R I .



ARCUS SEPTIMI SEVERI exstat etiamnum ad radices Capitoli, cum hac Inscriptione.



IMP. CAES. LVCIO. SEPTIMO. M. FIL. SEVERO. PIO. PERTINACI. AVG. PATRI. PATRIAE. PARTHICO. ARABICO. ET
PARTHICO. ADIABENICO. PONTIFIC. MAXIMO. TRIBVNIC. POTEST. XI. IMP. XI. COS. III. PROCOS. ET
IMP. CAES. M. AVRELIO. L. FIL. ANTONINO. AVG. PIO. FELICI. TRIBVNIC. POTEST. VII. COS. PROCOS. P. P.
OPTIMIS. FORTISSIMISQVE. PRINCIPIBVS
OB. REM. PVBLICAM. RESTITVTAM. IMPERIVMQVE. POPVLI. ROMANI. PROPAGATVM
INSIGNIBVS. VIRTVTIBVS. EORVM. DOMI. FORISQVE. S. P. Q. R.

Fuere quondam hujus Inscriptionis litterae aereae omnes, & bipedales, sed a Gothis, in Urbis directione, erasae & sublatae.

Arcus iste in Imperatoris hujusce honorem positus, erectusque est, Parthis altera jam vice devictis, Herodiano (*Lib. III. cap. 9.*) & Dione (*Lib. LXXV.*) testibus, eodemque tempore florentibus.

Marlianus, Panvinus & Nardinus, uti & Hadrianus Auzoutius, vir antiquitatum omnium scientissimus, affirmant; Severo mortuo, ab Antonino Caracalla malignissime erasum fuisse versum quartum, in quo haec verba fuisse suspicantur.

ET. P. SEPTIMIO. GETAE. NOBILISSIMO. CAESARI. OPT

In quorum locum haec, quae superius leguntur, subicere jussit.

OPTIMIS. FORTISSIMISQVE. PRINCIPIBVS

Est haec autem conjectura non prorsus vana; siquidem marmoris superficies aliquanto hic est depressior, & indicat, priores litteras erasae esse, substitutis aliis, & ipsae litterae non ejusdem sunt magnitudinis, quae aliae. Idem Caracalla simili forte modo delevit, & mutavit quaedam in Arcu Severi, in Foro Boario.

Ad hujus Arcus superius spatium ascensus est, per gradus quinquaginta marmoreos.

In parte Arcus suprema, seu planitie tecti, conspicuus olim fuit ipse Imperator Caracalla cum Patre & Fratre, triumphali habitu, insitens curru, quem sex equi praecedebant & trahebant, cujusque lateris utrumque claudebant bini equites armati, cum peditibus duobus, prout hoc testantur Numismata, Arcus hujus effigiem referentia.

In ipso Arcu, opere anaglyphico, marmore Pario expressae cernuntur hujus Severi res feliciter gestae contra Parthos, Arabas, & Adiabenos, post extinctos & occisos Pescennium Nigrum & Clodium Albinum, Imperii hostes & tyrannos. Visuntur hic quoque Victoriae alatae cum tropaeis, genii, varii generis frugibus, & animalibus devictarum Provinciarum, Diisque Fluminum.

Fornix floribus aliisque ornamentis excisis decoratus conspicitur.

Junctae sunt Arcui octo Columnae striatae, ordinis compositi, quarum diametros est palmor. Rom. III. & pollic. XI.



A R C V S


HORATII COCLITIS vulgo habitus,
revera I N C O G N I T V S.



A Dfirmat Marlianus, nihil certi se habere, quid de hoc ultimae Antiquitatis Monu-
mento sit statuendum. Plane enim ambiguum manet, fueritne Fornix Antiquus, an
vero una veterum Urbis Portarum. Et, si vera sunt, quae leguntur in Descriptione
Urbis, edita per Franciscum de Seine, Parisiis (*pag. mibi 600.*) marmore vestitum hoc
monumentum mansisse, usque ad Sixti IV. tempora; non caret ratione probabili, hoc
in loco posse inveniri verum situm veteris Portae Trigeminae, de quo cruditi multum
inter se digladiantur. Portae enim alicujus formam magis prae se fert structura hujus monumenti,
quam antiqui cujusdam Fornicis, sive Arcus. Quin & Inscriptio hic reperta, & a Marliano adducta,
nihil habet, quod probet contrarium, aut aliquid non obscurum indicet.

P. LENTVLVS. CN. F. T. QVINTVS. CRISPINVS
VALERIANVS. EX. S. C. FACIENDVM
CVRAVERE. IIIDEMQVE. COMPROBAVERE

Horatii autem Coclitis Arcum hic sterisse (si fuit aliquis) non mihi sit verisimile. Longius enim abest a
Ponte Sublicio; & satius videtur, ut muri Urbis veteris hic collocentur potius, quam aliquis locus celebrior
intra moenia. Constat autem, Arcus & Fornices positos fuisse semper, in maxime frequentatis Urbis
vicis, ac viis. Et sunt praeterca incertissima omnia, quae de usu & discrimine Fornicum, & Arcuum
leguntur, apud Auctores priscos, ut puta Romuli, atque sorte hujus etiam Horatii Coclitis, & aliorum.



A R C U S

SEPTIMII SEVERI in Foro Boario, vulgo dictus A V R I F I C V M.



N FORO BOARIO, non longe ab AEde Divi Georgii, visitur Arcus marmoreus, quem Argentarii, & Negotiatores itius Fori posuerunt Septimio Severo, Juliae Augustae, Filiisque, Antonino Caracallae & Getae, prout in Inscriptione ejus legitur.



IMP. CAES. L. SEPTIMIO . SEVERO . PIO . PERTINACI . AVG. ARABIC. ADIABENIC. PARTH. MAX. FORTISSIMO . FELICISSIMO
PONTIF. MAX. TRIB. POTEST. XII. IMP. XI. COS. ϕ III. ϕ PATRI. PATRIAE. ET
IMP. CAES. M. AVRELIO . ANTONINO . PIO . FELICI . AVG. TRIB. POTEST. VII. COS. III. P. P. PROCOS. FORTISSIMO . FELICISSIMOQVE . PRINCIPI . ET
IVLIAE . AVG. MATRI . AVG. N. ET. CASTRORVM . ET. SENATVS . ET. PATRIAE . ET. IMP. CAES. M. AVRELL ANTONINI . PI. FELICIS . AVG
PARTHICI ϕ MAXIMI ϕ BRITTANNICI ϕ MAXIMI ϕ
ARGENTARI. ET NEGOTIANTES. BOARI. HVIVS. LOCI. QVI. INVEHENT DEVOTI. NVMINI. EORVM

Getae vero nomen, occiso eo, erasum ab ejus Fratre Antonino Caracalla,prehenditur ex litteris depressis, ac mutatis: & primo quidem ad illa verba.

PROCOS. FORTISSIMO . FELICISSIMOQVE . PRINCIPI

Quorum vice restituenda erunt.

ET. P. SEPTIMIO. GETAE. NOBILISSIMO. CAESARI

Sic pro illis

PARTHICI MAXIMI. BRITTANNICI. MAXIMI

reponendum.

ET. P. SEPTIMI. GETAE. NOBILISSIMI CAESARIS

Quod dicimus, colligitur quoque ex cognomine PARTHICI, quod multo post patrem mortuum Caracalla sibi demum sumpsit.

In Inscriptionis ultimo versu, post vocabulum LOCI, leguntur infra quasi scriptae duae voces aliae, QVI. INVEHENT. Esse eas de Negotiatoribus intelligendas conjicit Nardinus, qui nempe ad solvendas Arcus impensas conferre pecunias recusarint, ideoque haec verba a cacteris addita, post decretum factum; ne illi, qui recusarant, priusquam contulissent, admitterentur, ad merces suas illic vendendas.

In hoc Arcu, Hercules ab uno latere comitem habet Bacchum: & sane Dii utrique Severi auspices fuerunt. Sed in alio latere, Bacchi simulacrum aut temporum injuria perit, aut latet inclusum muro proxime adjunctae Ecclesiae Sancti Georgii, cum angulo Arcus ipsius. In pilis utriusque lateris sculptae sunt aquilae, cum clypeis & imaginibus Severi, & Filiorum ejus: & infra sacrificialis pompa, victimarius, victima & popa cum securi.

Plurima exstant in hoc Arcu triumphalia ornamenta, non autem tropaea, sed tantum signa militaria, & sacrorum insignia, sive ad publica vota, ob reditum Severi, Parthis devictis. Herodianus (*Lib. III. cap. 9.*) sive ad Secularia, celebrata hoc anno. Zosimus (*Lib. II. cap. 5.*) ejusdem Imperatoris Tribunitia potestate XII.

Arcum ingressis a dextris visuntur Severus & Julia, sacra peragentes ad tripodem; sive sit haec Dea Pax cum caduceo, cui haerebat alia imago, e marmore abrafa. A sinistris cernitur Caracalla pariter sacrificans ad tripodem, abrafo quoque Geta fratre.

In Basibus etiam sculpta videntur sacrorum instrumenta; hinc lituus, praefericulum, patera, pileus flaminii, aspergillum, cultri. Ab altera parte acerra, securis, patera, victimae, praefericulum, malleus, ampulla. Infra victimarii, popa taurum feriens, tibicen, camillus, sacerdos. Occidentale latus Arcus Parthos captivos catenis vinctos a Romanis exhibet. Orientale latus muro Ecclesiae S. Georgii conclusum tegitur. Infra stat bubulcus baculo boves agens, index Fori Boarii.

Opus totum marmore constat Pario. Pilarum vero lateris latitudo est palmi Romani unius & decem pollicum. Frontis vero palmi unius, & octo pollicum. Ordo operis est compositus.



A R C V S

G A L L I E N I.



RCVS GALLIENO Imperatori positus conspicitur, apud AEdem D. Viti, omnibus tamen ornamentis carens. Legitur in fasciis Titulus sequens.

GALLIENO.CLEMENTISSIMO.PRINCIPL.CIVIS.INVICTA.VIRTVS.SOLA.PIETATE.SUPERATA.ET.ET.SALONINAE.SANCTISSIMAE.AVG.
M. AVRELIYS. VICTOR. DEDICATISSIMVS. NVMINI. MAIESTATI.QVE. FORVM

Arcus hic fuit etiam Triumphalis. In ejus Inscriptioe, Saloninae Augustae fit mentio, sed non constat exinde, cujus jussu & auctoritate a Marco Aurelio Victore fuerit positus. Trebellius Pollio (*Gallieno cap. 10.*) Denique Odenatus, statim bellum Persis, in vindictam Valeriani, quam ejus filius negligebat, indixit. Nisibin & Carras statim occupat, tradentibus sese Nisibenis, atque Carrenis, & increpantibus Gallienum. Nec defuit tamen reverentia Odenati circa Gallienum; nam captos Satrapas, insultandi prope gratia, & ostentandi sui, ad eum misit, qui cum Romam deducti essent, vincente Odenato triumphavit Gallienus. &c.

Caeterum jussu Senatus Populique Romani, ob aliquam ab hostibus reportatam victoriam, Imperatoribus Arcus triumphales erigebantur. Ita Druso in Via Appia, propter Germaniam devictam, excitatus fuit Arcus, de quo loquitur Suetonius (*in Claudio cap. 1.*) & habemus ejus effigiem, in Nummis Arschotanis (*Tab. XIX. Num. 14.*) Sed & ipsi Germanico unus fuit extructus Romae, teste Tacito (*An. II. cap. 83.*) Neroni etiam Arcus fuit positus, in area Capitolii, post Parthos a Domitio Corbulone caesos, ut ait Tacitus (*An. XIII. cap. 4.*) qui etiam conspicitur in Nummis Arschotanis (*Tab. XX. Num. 19.*) Quin etiam erectus fuit Arcus triumphalis, Tiberio Principe, ob signa Vari recuperata, prope Templum Saturni, ut prodidit Tacitus (*Annal. II. cap. 41.*) qui & aliorum Arcuum meminit, ornatorum simulacris Drusi & Germanici, ab utroque latere Templi Martis Ultoris (*An. II. cap. 64.*) Denique Domitianus solitus erat, nulla de causa, passim per Urbem construere Arcus, cum quadrigis & tropaeis, ut Suetonius notat (*in ejus vita cap. 13.*) Et habemus talem Arcum Domitiani in Nummis Arschotanis (*Tab. XXXII. Num. 9.*)

Torus hic Arcus e Tiburtino factus est lapide, cum ejusdem materiae Pilis, ordinis Corinthii, latis palm. Rom. III. & pollic. VII.



A R C U S

C O N S T A N T I N I



ARCUS CONSTANTINI, totus ex Pario marmore factus, stat in initio viae Appiae, ad imum angulum Montis Palatini, versus Orientem. Paene integer est, & illaesus. Senatus Populusque Romanus hunc Arcum poni curavit, Maxentio ad Pontem Milvium devicto, sicut hoc ostendunt Inscriptiones ab utraque parte, uno & eodem exemplo, scriptae.



IMP. CAES. FL. CONSTANTINO. MAXIMO
P. F. AVGVSTO. S. P. Q. R.
QVOD. INSTINCTV. DIVINITATIS. MENTIS
MAGNITVDINE. CVM. EXERCITV. SVO
TAM. DE. TYRANNO. QVAM. DE. OMNI. EIVS
FACTIONE. VNO. TEMPORE. IVSTIS
REMPUBLICAM. VLTVS. EST. ARMIS
ARCVM. TRIVMPHIS. INSIGNEM. DICAVIT

A fronte, qua Colossaeum respicit, legitur a dextra, supra bina Numismata.

VOTIS. X. a sinistra VOTIS. XX

Ab altera vero fronte, quae viam Appiam spectat, a dextra legitur eodem loco.

SIC. X. a sinistra SIC. XX

Indicantur his verbis *Vota decennialia & vicennialia*, nuncupata totidem annis salutis ejus a Populo. Mos hic, derivatus ab Augusto, vigeat ad illam usque aetatem. Dion (*Lib. III.*) *Caesar*, inquit, *Augustus*, quo longius Romanos a suspitione Regiae potestatis, sibi propositae, abduceret, imperium in suos decennale suscepit. Et, cum primum decennium exivisset, aliud quinquennium: post decennium, ac eo finito aliud iterum decretum est, ita ut, continuatis decenniis, per totam vitam summam Imperii obtinuerit. Quam ob causam posteriores quoque Imperatores, etsi non ad certum tempus, sed per omne vitae spatium iis Imperium deferant, tamen singulis decenniis festum pro ejus renovatione agunt, quod hodie etiam fit. Facile ergo hinc licet conjicere, Senatum Populumque Romanum, ut gratificarentur Augusto, votorum mentionem fecisse in ipso Arcu, hujus renovationis Imperii per festa decennialia habita ratione.

Haec igitur vocabula VOTIS X & VOTIS. XX. & SIC. X SIC. XX. Idem plane significant. Est autem frequens mentio votorum X, XX, XXX, XXXX. in Numismatibus.

ARCUS ipse triumphalibus ornamentis est exsculptus, & in his sunt simulacra belli, oppidorum, fluviorum, gentium, quas devicerat. Sub Arcu medio ex latere utroque conspicitur effigies Trajani, (non Constantini, ut mox dicetur) marmorea, inter signa & cuneos militares, sive insidentis equo, & invadentis accurrentium hostium caetvas; sive stantis, gentibusque victis imperantis. Supra ejus verticem Victoria lauream sustinet, addunturque Tituli LIBERATORI VRBIS. Ab altera parte idem Trajanus, victor in Urbem redit, devictis Dacis, Roma & Victoria comitibus, quae capiti ejus lauream imponit cum hoc Titulo FVNDATORI QVIETIS.

Est vero in primis notatu dignum, esse quaedam in hoc Arcu mira arte sculpta; quaedam vero nullo modo probari. Et quidem non immerito praeclara illa arbitrantur ex aliquo Trajani monumento fuisse detracta. Hoc autem cum maxime comprobant Trajani imagines cum simulacris Dacorum & Parthorum, ab eo subjugatorum. Quae item supra Arcus hujus columnas positae super sunt octo statuae bellissimae, earum capita (si Jovio credimus) Laurentius Mediceus clanculum tulit, Florentiamque avexit.

Est igitur hic Arcus ex variis ruinis vetustorum operum, & Trajani praesertim monumentorum,
Tom. II. F nulla

nulla tamen habita ratione temporum, & ordinis rerum gestarum, congestus. Hujus rei conspiciuntur tria egregia exempla, in hac addita effigie. Nimirum in parte superiore, versus Montem Coelium, videtur icon praelii equitum Romanorum contra Dacos: in Dacorum clypeis leonum, in Romanorum Fulminis conspiciuntur insignia. Paulo infra in Numismate habes imaginem Victoriæ palmiferae, similitudine genii insistentis curui Solis Orientis, inter Phosphorum & Oceanum, seu Mare, palmiferi senis specie. In interiore Arcus porta stat Trajanus, equo insidens, lanceam tenens, hostem ferientis imagine, & Dacos oppugnans, qui vel sub pedibus ejus jacent; vel accurrentes vitae veniam precantur; vel quorum amputata capita a militibus Romanis Caesari offeruntur, inter quos duo sunt signiferi.

Quod vero attinet ad Victorias alas, Flumina supra minores fornices, captivosque ac signiferos, in stylobatis columnarum, cum tabellis parvis, sub Numismatis, ad Constantini aetatem & res gestas est trahendum. Dat hic Constantinus congiarium populo, loquitur in Senatu, adgreditur muros, pugnat, triumphat. Haec vero omnia tam ineleganter & imperite sunt elaborata, ut dolendum sit optimi marmoris bonam partem in iis operibus fuisse corruptam. Haec sculptorum & pictorum arti perniciem primum coepit tempore Gallieni, prout id ipsum ostendunt quoque Numismata sub hoc Imperatore, & cum sequentibus, cusa. Senatus enim Romanus, ut Imperatoris Constantini triumphorum recordationem posteritati redderet non ignotam, praestantissima Trajani monumenta destruere non est veritus.

In Arcus hujus effigie, quam exhibemus, altera, haec in primis observanda veniunt. Quatuor hic visuntur icones, desumptae ex Arcu Trajani opere anaglyphico.

In prima Tabella, seu effigie, Trajanus Crephonta profectus, pro concione multa praefatus, ex suggestu Parthenaspatem Regem Parthorum nominat. Parthenaspates praefens adstat, in pellita chlamyde, sed braccatus, ante suggestum, & inferiore loco sub Imperatore adstant & Romani, ac milites, gestantes signa relata, & tercula victoriarum.


In secunda, transugarum unus, in Mysiam profectus, ad occidendum Trajanum, coram Imperatore sistitur, cui indicat insidias Decebali. Dion (*Lib. LXVIII.*)


In primo Numismate ostenduntur Trajani venatores, & servi custodes canum & equorum.

In altero, quod Herculi Victori & Rustico sacrum habetur, cernitur Trajanus, capite detecto, pateram dextra tenens, ante accensum ignem in ara.

Paulo infra Constantinus transgressus Alpes, captisque plurimis in Italia Urbibus, quum Ruricii Maxentium Ducem profligasset, Veronam occupat.

Columnas striatas etiam nunc Arcus hic habet septem, una namque perijt & abest, ordine Corinthio, diametros illarum est palmorum Rom. III. & poll. XI.





O B E L I S C V S


S. M A H V T I.



BELISCVS hic quando, & a quo Romam sit advectus, ignoratur. Inventus fuit terra obrutus prope Templum Isidis, erectusque ante AEdem Sanctorum Bartholomaei, Alexandri & Mahuti Episcopi, a quo etiam fuit denominatus, temporibus Pauli V. Dicitur a nonnullis stetit in Foro Minervae.

Isium, Serapium & Minervium templa inter se vicina fuere, prope viam eam, quae hodie, ab Obelisco S. Mahuti, usque ad aream Collegii Romani, porrigitur. Faver huic conjecturae alterius Obelisci fragmentum, muro Ecclesiae S. Mahuti insertum, quod annis abhinc aliquot ad posticum Collegii Romani fuit: uti & alius integer, quem retro Ecclesiam Minervae, ad januam minorem, quae altari majori proxima est, in terra abjectum, illi S. Mahuti similem memorant. Et plura talia fragmenta in eadem vicinia reperta fuisse, aliqui testantur.

Est autem coloris rubicundioris prae aliis, uno & solido constans lapide marmoris Graniti. Habet autem altitudinem palm. XXVII. cum dimidio; latitudo ejus continet palm. III. & dimidium.



O B E L I S C V S

B A R B E R I N V S.



BELISCVS hic etiam nunc ostenditur fractus in frustra tria, in Palatii Barberinorum area. Et sunt, qui suspicantur, hic fuisse Circum Aureliani. Mera tamen haec est conjectura, quamvis Donatus eam repudiandam neget, dicatque, fieri potuisse, ut Circus hic ab Elagabalo sit constructus, sed ab Aureliano instauratus.

Creditur hic Obeliscus in Aegypto primum fuisse erectus a Rege Rameffe, aut patre illius Sethoso, unde Romam fuit auctus ab Antonino Caracalla, aut Aureliano, secundum alios, qui erigi eum iussit in suo Circo. Hodie vocatur *Obeliscus Barberinus*, quoniam Franciscus Barberinus Cardinalis a Campo Verano transferri eum curavit, ante Palatium suum, in Monte Quirinali, ubi jacet diffractus, plenusque notis Hieroglyphicis. Totus fuerat caesus ex uno & solido marmore Granito.

Extra theatrum Castrense fuisse Hortos, & Circum Elagabali, satis evidenter ostendit loci situs. Pyrrhus vero Ligorius scribit, sua aetate etiam magnificum sibi visum fuisse hunc Circum, in cuius medio erectus steterit Obeliscus hic, de quo loquimur. Sine dubio autem Circum hunc refecit, exornavitque Aurelianus, at nequaquam primus construxit, quidquid alii contra male sentiant, docente Borrichio, *Dissert. de Antiq. U. R. facie, cap. 7.*



O B E L I S C V S

L V D O V I S I A N V S.



Nter Montes Quirinalem, & Pincium, in angustissima, & postrema vallis parte, Collinam Portam versus, vestigia cernuntur Circi Antiqui, hoc nostro quoque tempore, cujus muri & sedilia conjuncta erant rupi Collis Quirinalis ab una, & Pincii ab altera parte. In medio vallis hujus jacuit antea Obeliscus, Hieroglyphicis litteris insculptus, sed diffractus, qui nunc ostenditur in Hortis Ludovisiis. Credibile est, hunc Circum illum fuisse, in quo celebrabantur Ludi Apollinares, quum Circus Flaminius, inundatione fluminis, aqua jaceret repletus. Horum Ludorum aliquoties meminit Livius, praesertim (*Lib. XXX. cap. 38.*) his verbis. *Ita abundavit Tiberis, ut Ludi Apollinares, Circo inundato, extra Portam Collinam, ad AEdem Erycinæ Veneris sint parati.*

Fuit hic Circus tempore Claudii extra muros; sed Aurelianus, prolatis iisdem, intra muros conclusit, quomodo adhuc muri Urbis cernuntur. Situs autem fuit eo in loco, quem Fulvius ex *Girlo*, voce barbara, *Girulum* vocat, quamvis corrupta videatur ex *Circulus*.

Et hic quidem, qui in Hortis Sallustianis erectus fuerat Obeliscus, idem est ille, qui confractus jacet in Hortis Ludovisiis, inscriptus notis, sive litteris Aegyptiis, Lunaeque dicatus fuisse creditur. Non modico abest intervallo a caeca, sed incertum, quam ob causam eo sit translatus.

Itaque *Ludovisianus* dicitur, ab Hortis Principis nominis hujus. Prius *Sallustianus* appellabatur, ab Hortis Sallustianis, ubi creditur stetit erectus ab Imperatore Claudio, post Caligulae mortem, a quo aliqui existimant, eum ex Aegypto Romam fuisse advectum, ubi Rex Sethos eum fieri, & poni jussit.

Plinius docet (*Lib. XXXVI. cap. 9, 10, & 11.*) similiter, ab Augusto duos Obeliscos Romam advectos fuisse, tertiumque in Vaticano positum stetit. *Sequentes eum* (inquit Ammianus *Lib. XVII. cap. 4.*) *Imperatores adveixerunt plures, quorum alter est in Vaticano, alter in Hortis Sallustii, duo in Augusti monumento sunt.* Erant ergo sex, non quinque, quomodo & apud Victorem legitur. Duo enim alii steterunt in Circo Maximo. Major fuit pedum CXXXII. Minor pedum LXXXVII. & semis. Unus in Vaticano pedum LXXII. & unus item in Campo Martio pedum LXXII.

Hic noster Ludovisianus in tria frustra fractus jacet, medio eorum supra humum eminente, reliquis duobus terra contectis.

Totus fuit caesus ex marmore Granito.




O B E L I S C V S

M E D I C E V S.



BELISCVS, qui stat in Hortis Ducis Florentiae, in monte Pincio sitis, ab eo quoque fuit denominatus. Huc autem translatus est ex Circo Florae, ubi steterat erectus ab Imperatore Claudio. Ignoratur, quando, & a quo ex Aegypto Romam sit advectus.

Factus est ex uno lapide marmoris Graniti, plenusque litteris Hieroglyphicis. Subter eum positae sunt quatuor testudines aereae, sed deauratae. Hujus Obelisci altitudo est palm. XXII, latitudo, prope basin, palm. III. cum parte quarta.



O B E L I S C V S

M A T T H E I V S.




BELISCVS hic ita dicitur, quia in hortis Ducum Mattheiorum positus est, & erectus in Monte Coclio, auctoritate & iussu Ducis Cyriaci Matthaci, uti ex Inscriptione liquet.

CYRIACVS. MATTHEIVS
OBELISCVM. HVNC. A. POPVLO
ROMANO. SIBI. DATVM. A
CAPITOLIO. IN. HORTOS
SVOS. COELIMONTANOS
TRANSTVLIT. VT. PVBLICÆ
ERGA. SE. BENEVOLENTIÆ
MONVMENTVM. EXSTARET
AN. MDLXXXII

Discimus hinc, Ducem Mattheium, permittente Populo Romano, & donante, hunc Obeliscum auxisse in suos Hortos Coelimontanos, e Capitolio, ubi dejectus jacuerat in Horto Ecclesiae, quae dicitur *Ara Coeli*.

In ejus parte superiore paucae tantum apparent notae Hieroglyphicae. Ferturque ex Aegypto etiam advectus fuisse, auctoremque operis sui habuisse Regem Ramessem.

Solidus & unicus hic est lapis marmoris Graniti. Altus est hic Obeliscus palm. XXXVI. latus prope basin palm. IV.



O B E L I S C V S

S. M A R I A E M A I O R I S.



Victor (*in Appendic. ad Regiones*) refert, stetit ante Mausoleum Augusti Obeliscos duos, magnitudinis ejusdem. Fragmenta unius, quae in media jacebant via, Sixtus V. Pont. Max. jussit avchi, & in pristini Obelisci formam reponi, atque erigi, ante hortos suos, quos habebat in Exquilis, ante AEdem S. Mariae. Alter vero etiam nunc prostratus jacet, & contractus, post AEdem S. Rochi, ubi prior fuerat inventus.

Obeliscus hic caret omnibus notis Hieroglyphicis, erectusque est, An. MDLXXXVII. Habet autem in vertice S. Crucis signum, una cum Insignibus Pontificis, tribus nempe montibus & stella, statque e regione Viæ Felicis, ab hoc ipso summo Pontifice apertae, ac stratae.

Inscriptiones habet a quatuor lateribus basis has sequentes.

CHRISTVS.
PER INVICTAM.
CRUCEM.
POPULO. PACEM.
PRÆBIT.
QVI.
AVGVSTI PACE.
IN. PRÆSEPE. NASCI.
VOLVIT.

CHRISTI DEI.
IN. ÆTERNVM. VIVENTIS.
CVNABVLA.
LÆTISSIME. COLO.
QVI. MORTVI.
SEPVLCHRO. AVGVSTI.
TRISTIS.
SERVIEBAM.

CHRISTVM. DOMINVM.
QVEM. AVGVSTVS.
DE. VIRGINE.
NASCITVRVM.
VIVENS ADORAVIT.
SEQVE. DEINCEPS.
DOMINVM.
DICL. VETVIT.
ADORO.

SIXTVS. V. PONT. MAX.
OBELISCVM.
ÆGYPTO. ADVECTVM.
AVGVSTO.
IN. EIVS. MAVSOLEO.
DICATVM.
EVERSV. DEINDE. ET.
IN. PLVRES. CONFRACTVM.
PARTES.
IN. VIA. AD. SANCTVM.
ROCHVM. IACENTEM.
IN. PRISTINAM. FACIEM.
RESTITVTVM.
SALVTIFERÆ. CRVCL.
FELICIVS.
HIC. ERIGI. IVSSIT.
AN. M D LXXXVII. PONT. III.

Et hic quidem idem *Obeliscus* est, quem in acclivitate Montis Exquilini, prope Basilicam Liberianam S. Mariae Majoris, crexerunt versus Septentriones, post erectum jam Obeliscum, in area Vaticana, jussu Sixti V.

Vocatur autem *Exquilinus*, a monte in quo positus fuit. Dicitur etiam *Claudianus*, ab Imperatore Claudio, qui existimatur eum Romam advexisse, & posuisse in Mausoleo Augusti, An. post Chr. Nat. LXII. in Valle Martia; ubi hoc Augusti monumentum magnificentissime fuerat extructum.

Hic unus esse fertur ex duobus Obeliscis, a Smarre & Efre Aegypti Regibus factis, jacuitque in tria frustra contractus, ab eo tempore, quo Urbs a Gothis est vastata. Habuit sine fulcris a basi usque ad verticem, absque ornamentis illi additis longitudinem palmorum LXVI. Cum omnibus ornamentis longus conspicitur, palmos Rom. centum & undecim ac semis. Caret vero notis Aegyptiacis: quia Rex, auctor illius, aut morte occupatus, aut aliam quamvis ob causam impeditus fuit. Potuerunt etiam nulli fuisse Hieroglyptae eo seculo. Erexit illum Fontana, Architectus celeberrimus. Fuit in initio unicus & integer lapis, marmoris Graniti.



O B E L I S C V S

P O P V L I



BELISCVS hic fuit Augusti Caesaris primus, positusque ab eo in Circo Maximo, ut liquet ex hac Inscriptione, legenda in duplici fronte veteris Basis illius, unde & dicimus Soli fuisse consecratum.

IMP. CAESAR. DIVI FIL. AVG.
PONTIFEX. MAXIMVS
IMP. XII. COS. XI. TRIB. POT. XIV
AEGYPTO. IN. POTESTATEM
POPVLI
ROMANI. REDACT

SOLI. DONVM. DEDIT

De hoc Obelisco loquitur Plinius (*Lib. XXXVI. cap. 9.*) *Is autem Obeliscus, quem Divus Augustus in Circo Magno statuit, excisus est a Rege Semmeserteo, quo regnante Pythagoras in Aegypto fuit, centum viginti quinque pedum est, & dodrantis, praeter basin ejus lapidis.* Et Ammianus item Marcellinus (*Lib. XVII. cap. 3.*) *Augustus item Obeliscos duos ab Hieropolitana civitate transtulit Aegypcia, quorum unus in Circo Maximo, alter in Campo locatus est Martio.* Soli dicatum fuisse, docet etiam Tertullianus (*de Spectaculis cap. de loco*) *Circus Soli principaliter consecratur: cujus aedis medio spatio, & effigies de fastigio aedis emicat, quod non putaverunt sub tecto consecrandum, quem in aperto habent.*

Sixtus autem V. Pontifex Max. collocavit eum ante Portam Flaminiam, prope Templum S. Mariae Populi, in nobilissimo trivio, cujus via prima extenditur circa ortum Solis sub colle Pincio, altera Flaminia nomine, & ultima Leonina, a Leone X. prope fluvium Tiberim aperta, & strata.


In vacuis basis illius antiquae frontibus has duas Inscriptiones addidit dictus Pontifex Maximus.

ANTE. SACRAM.
ILLIVS. AEDM.
AVGVSTIOR.
LÆTIOREQVE. SVRGO.
CVIVS. EX. VTERO.
VIRGINALI.
AVG. IMPERANTE.
SOL. IVSTITIÆ.
EXORTVS. EST.

SIXTVS. V. PONT. MAX.
OBELISCVM. HVNC.
A. CÆSARE. AVG. SOLI.
IN. CIRCO. MAXIMO. RITV.
DICATVM. IMPIO.
MISERANDA. RVINA.
FRACTVM. OBRVTVMQVE.
ERV. TRANSFERRI.
FORMÆ. SVÆ. REDDI.
CRVCIQVE. INVICTISSIMÆ.
DEDICARI. IVSSIT.
A. M. D. LXXXIX. PONT. IV.

Eques Fontana scribit, a semet ipso fuisse eum e Circo Maximo translatum, ubi diffractus jacuit in tria frusta, erexitque illum cura sua, quo in loco nunc conspicitur. Plenus est litteris Hieroglyphicis,
Tom. II. N exci-

excisusque ex uno marmoris Graniti lapide. Altus fuit, priusquam a Fontana erigeretur, palm. CX. qui & tres palmos inferiores, injuria temporis corrofos, ei ademit, ita ut hodie altitudinem habeat palm. CVII. Quae latissimae ejus partes sunt, prope basin, latae sunt palm. X. cum dimidio; prope pyramidium vero palm. VI. cum binis tertius. Minores partes, prope basin, latitudinem habent palm. IX. cum dimidio; prope pyramidium palm. V. cum tribus quartis.



O B E L I S C V S

S. MARIAE SVpra MINERVAM.



Uum Patres Ordinis S. Dominici, quibus cessit Templum Deae Minervae, in suis Hortis murum forte quendam struere statuisent, in fundamentis egerendis, repere-runt Obeliscum, terra obrutum, jacere ad profunditatem quindecim fere palmorum. Hunc Alexander VII. Pont. Max., omnis cruditionis amator summus, iussit collocari, in Foro ante Templum S. Mariae supra Minervam. Praefecit autem operi huic Ber-ninum Equitem, qui varias machinas & bases excogitavit, supra quas Obeliscus ere-ctus altius consisteret, & angustior appareret. Elegit vero eam, qua exprimitur Elephante, dorso Obeliscum sustinens. Addidit & binas Inscriptiones ea in basis parte, quae Templum respicit.

SAPIENTIS. ÆGYPTI.
INSCVLPTAS. OBELISCO. FIGVRAS.
AB. ELEPHANTO. BELLVARVM. FORTISSIMA.
GESTARI. QVISQVIS. HIC. VIDES.
DOCUMENTVM. INTELLIGE.
ROBVS. TÆ. MENTIS. ESSE.
SOLIDAM. SAPIENTIAM. SVSTINERE.


In ejusdem basis latere aduerso.

VETEREM. OBELISCVM.
PALLADIS. ÆGYPTIÆ. MONVMENTVM.
E. TELLVRE. ERVTVM.
E. T. IN. MINERVÆ. OLIM.
NVNC. DEIPARÆ. GENITRICIS.
FORO. ERECTVM.
DIVINÆ. SAPIENTIÆ. ALEXANDER. VII.
DEDICAVIT. ANNO. SALVTIS.
M. DC. LXVII.

Obeliscus hic inventus fuit, in ruinis Templi Isis, cactus ex uno & solido marmore Granito, plenusque figuris Hieroglyphicis. Interpretandi vero hujus Obelisci provinciam dederat hic Pont. Max. Athanasio Kircher, cuius Doctissimi Viri commentationes in eum leguntur in Volumine Romae impresso A. 1666.

Ex minorum Obeliscorum unus est, quorum P. Victor testatur quadraginta quatuor Romam ad-vectos fuisse, partim Imperatorum Romanorum studio elegantiae monumentorum, partim ut glo-riam magnitudinis & splendoris Urbis Romanae redderent aeternam. Lapis Aegyptius, unde factus est, dicitur vulgo *Granito rosso*, qui teste Plinio, cui *Syenites* dicitur (*Lib. XXXVI. cap. 8.*) reperitur in unica Aegypti Provincia Thebana, & nusquam alibi terrarum.

Altus est palm. XXIV. inferior basis III. palm. cum una sext. superior latitudo II. palm. cum tribus quartis.



O B E L I S C V S

V A T I C A N V S.



OBELISCVS hic, iussu Imperatoris Caligulae singulari, ex Aegypto primum fuit adve-
ctus. Docet id Plinius (*Lib. XVI. cap. 40.*) ubi navem, qua translatus est, describit.
Abies, inquit, admirationis praecipuae, in navi, quae ex Aegypto, Caji Principis iussu,
Obeliscum in Vaticano statutum, quatuorque trunco lapidis ejusdem ad sustinendum cum
adduxit. Qua nave nihil admirabilius visum in mari certum est. Centum viginti millia
modiorum lentis pro saburra ei fuisse, longitudo spatium obtinuit magna ex parte Ostiensis
portus latere laevo: ibi namque demersa est a Claudio Principe, cum tribus molibus, turrium altitudine in ea
exaedificatis, ob id Puteolano pulvere advecto. Tradit id ipsum Suetonius (Claud. cap. XX.) Portum Ostiae
exstruxit, circumducto dextra sinistrique brachio, & ad introitum profundo jam salo mole objecta, quam
quo stabilius fundaret, navem ante demersit, qua magnus obeliscus ex Aegypto fuerat advectus, congestis-
que pilis superposuit altissimam turrim in exemplum Alexandrini Phari, ut ad nocturnos ignes cursum navi-
gia dirigerent. Idem Plinius scribit, hunc unum ex omnibus in erectione fractum fuisse (Lib. XXXVI.
cap. 2.) Tertius Obeliscus Romae, in Vaticano Caji & Neronis Principum Circo, ex omnibus unus omnino
fractus est in molimine, quem fecerat Sesostridis filius Nuncoreus.

Caligula hunc Obeliscum dicaverat Imperatoribus Augusto & Tiberio, prout ex illius vetere con-
stat Inscriptione, in duobus Obelifici lateribus prope Basin sculpta.

D I V O . C A E S . D I V I
I V L I I . F . A V G V S T O
T I . C A E S . D I V I A V G
F . A V G V S . S A C R V M

Solus de omnibus Obeliscis permanfit erectus in loco, qui proximus est Sacrario Basilicae S. Petri, ubi
olim fuerat Circus Principum Caji & Neronis, donec Sixtus V. Pont. Max. vir animi praegrandis, trans-
ferri illum curaret in aream, ante Basilicam eandem. Quod autem difficultatibus maximis rem hanc in-
tricatissimam videret Pontifex, concilium instituit Cardinalium & Summatum, in diem xxiv. Augusti,
Anni MDLXXXV. ut decernerent rationem & modum, transferendo & rursus erigendo Obelisco accommo-
datum. His Consultoribus placuit, ut omnes litteris imbuti, Mathefeseo periti, Architecti, Ingeniarii, &
cacteri viri, scientia, vel rerum usu pollentes, Romam advocarentur, quorum, spatio trium hebdomadam,
fuisse quingenti, sed sententiarum discrepantes, qui se obrulerunt: unius tamen Dominici Fontanae senten-
tiam esse antefereendam, omnium suffragiis judicatum est. Construxerat autem modulum suae inventio-
nis e ligno, Obeliscumque e plumbo constatum, praesentibus omnibus congregationis membris, suble-
vavit, singularum motionum rationes & fundamenta demonstrans.

Ipse Pontifex ad hoc opus Fontanam, ut est apud Athanasium Kircherum (*in OEdipidom. III. pag. 371.*)
exstimularat, his argumentis usus. Quod antea Reges Aegyptii & Romanorum Imperatores efficere po-
tuerunt, nequaquam nostris temporibus, non minus illustrium ingeniorum feracibus, negatum videtur.
Verumtamen si quispiam praetenderit, sumptuum nimis praegrandem summam, is non sibi persuadeat vel-
lim, tanta nos aeris penuria laborare, ut ea ab hujusmodi coeptis animum nostrum abducat, quin potius
exacuat, ad praestanda, non dicam similia, sed majora quoque, dummodo nostrorum studio & dili-
gentia non destituamur. Agedum, Dominice Fontana, cujus ingenium jam antehac in multis innotuit

O B E L I S C V S V A T I C A N V S.

nobis, serio huic negotio incumbere, ne desistas; neque curae tibi sit sumptuum magnitudo: si unus millio non sufficiat aureorum, addantur duo, aut quot eorum opus fuerint; si modo, quod imperamus, executioni mandetur.

Nec est, quod quisquam existimet, coeptum hoc minimi momenti esse, & indignum tantis curis; siquidem non Aegyptii modo Obeliscorum erectiones maximi semper fecerunt: sed & Diodorus Siculus testatur, apud Assyrios Semiramidem excisionem & erectionem Obeliscorum primum instituisse. Verba Diodori haec sunt. (*Lib. II. cap. 11.*) *Semiramis etiam saxum e montibus Armeniis excidit 135 pedes longum, 25 latum & spissum. Hoc multis asinorum bouumque jugis ad amnem deportatum; atque impositum, & secundo flumine Babylonem deVectum, juxta viam nobilissimam, admirandum praetercunantibus spectaculum, erexit. Obeliscum a figura vocant.*

Ne autem Architecto desissent res & materia, ei operi necessariae, diplomate Pontifex eum munivit amplissimo, ut negotium tanto facilius & promptius expediretur. Hujus auctoritate mittebatur illi, quibusvis rebus utilibus, quocunque in loco inventis, uti, etiam dominis invitis, soluto tamen pretio, secundum peritorum utriusque partis arbitrarium judicium. Sed & potestatem Architecto dedit, si id exigeret necessitas, domos Obelisco vicinas diruendi, postquam de refarciendo cum possessoribus, vel quorum intererat, damno convenerit. Quoque majore in honore esset apud populum, iussit, ut Fontana cum suis publice incederet armati.

Hic Architectus consultissimum sibi fore existimavit, ut cognosceret exactissimum Obelisci pondus. Huic igitur fini palmum quadratum, cubi in modum efformatum, consimile saxo, maxima confici curavit diligentia, ejusque cubi pondus invenit octoginta sex librarum. Hunc in modum calculum inivit palmorum totius Obelisci, qui attingebant summam palmorum cubicorum 11203 $\frac{1}{2}$, quo modo invenit exactissimum pondus ipsius Obelisci esse librarum 963537 $\frac{1}{2}$.

Pondere Obelisci cognito, ad ejus rationem machinas suas fieri curavit. Construxit autem turrim, seu castellum, altitudine palmorum exxiii, hoc est, x. palmis ipso Obelisco altius, ut adminiculo xl. ergatarum, rudentes attrahentium, & ab hominibus & equis circumvolutarum, Obeliscus in aëra sublimis levaretur.

Fama operis tam memorandi excitavit turbam spectatorum prope infinitam, non ex Italia tantum, sed ex ei vicinis quoque regionibus. Ut igitur confusioni, quae extam ingenti populi frequentia oriri posse videbatur, mederetur Pontifex, severissimum promulgavit Edictum; ne alius quis, die erectioni Obelisci praestitura, cancellos ingrederetur, exceptis operariis; poenamque capitis in cancellorum violatores constituit. Poenas etiam minime contemnendas sanxit in eos, qui vociferarentur, screarent, strepitumve quovis modo excitarent; idque ne praedictis modis impedirentur, minusque intelligerentur mandata Architecti. Ut autem Edicti parata esset executio, Lictor (*Barigello* vocant) cum universa apparitorum turba circum intravit; & prope crucem erectam praefecto aderat etiam carnifex. Itaque rei novitas, metusque poenarum effecit, ut, omnium oculis operi intentis, maximum in tanto populi concursu observaretur silentium.

Accessit ad haec durissimas leges, sine ullius excusatione, ab omnibus servandas, ut Pontifex, cum abeuntem Fontanam fausta precatione prosequeretur, eidem diceret: *Videret, qualia adgrederetur, ut qui erroris culpam sanguine suo esset luiturus.* Verebatur enim Pontifex, ut, fracto per negligentiam Obelisco, sua apud Populum auctoritas vilesceret, sibi quoque vitio verteretur, quod tantae molis opus credidisset homini, horum coeptorum inexperto. Et meritis grave supplicium fuerat, qui spretis aliis omnibus, & forte peritoribus, ausu temerario, sibi uni executionem tam difficilis rei expetiverat. Nihilominus animum Pontificis suspensum & sollicitum reddebant benevolentia in Fontanam, & sua ipsius effervescentes ira. Iussérat enim, ut, in quatuor Burgi portis, ad fugam instructi tenerentur equi, ne Fontanae praecideretur parata ad effugiendum occasio, si forte fortuitus casus infelicis eventus contingeret.

Auferri deinde Fontana iussit globum aeneum, & deauratum, Obelisco superimpositum, quem diligentissime consideratum reperit, absque commissura quacunque fuisse fustum, ita ut in eum cineres Augusti recondi nullatenus potuerint, contra quam a multis fuerat creditum. Illud tamen non negat, fuisse eum a militibus scloporum globulis, in locis quibusdam, perforatum, eidemque exinde infudisse nonnihil pulveris, vi ventorum per foramina illa immissi.

Totus dehinc Obeliscus storcis duplicibus, ne cicatricibus deformaretur, fuit testus, tabulisque ligneis postea imponebantur virgae, seu perticae ferreae, & praeterea multiplices funium contortorum & crassissimorum involuciones, si forte ferrum, quod accidit, in molitione rumperetur; funes quippe cir-

circulis ferreis multo esse tutiores, jam a principio existimaverat Architectus. Ita autem armatus Obeliscus judicabatur habere pondus librarum 1043537.

Omnibus jam paratis, imploratoque Divino auxilio, die xxx. Aprilis, MDLXXXVI. quotquot adesse tanto conatui tenebantur, simul opus ipsum adgrediebantur, qui admonebantur clangore tubae; quoties vero jubebantur se continere, & sistere, audiebatur sonus campanae, quam in castelli summitate collocaverat Architectus.

Hac diligentia & cautela factum fuit, ut intra breve temporis spatium Obeliscus erigeretur, ad altitudinem palmorum duorum & quartarum trium a sua basi: atque in signum laetitiae explosa tunc fuerunt tormenta. Denique Obeliscus substratae sibi trahae, cylindris volubilibus impositae, magna cura & providentia Architecti incubuit.

Postea, circum stylobatam terra excavata, usque ad altitudinem xl. palmorum a summitate soli rectum hunc jacuisse, fuit inventum: constabat autem ex pluribus lapidibus maximis. Hic duo praecipue admirabatur Architectus. Primo, fundamentum inferius superiori fuisse arctius: attamen ad Obeliscum suo loco rursus erigendum videbat, necesse sibi esse, ut rursus fragmenta horum lapidum eodem, quo Veteres, modo disponeret, quod nimirum saxa tantae molis Romae non exstarent. Deinde, quod infimi fundamenti lapidum frustra, quae ansis ferreis, plumbo testis, inter se erant conjuncta, quamvis aquis fuerant immerfa, ansae nihilominus a rubigine, aliove corruptionis modo, essent illaefae.

Obeliscus trahae impositus, super aggerem ligneum, firmissimumque protractus fuit, in aream usque ante Basilicam D. Petri, ubi hoc eodem castello, seu turri lignea, qua usus fuerat Architectus, in Obelisco trahae imponendo, fuit iterum erectus, & stylobatae superpositus, die x. Septemb. MDLXXXVI. Denique summum Obelisci apicem exornarunt signo S. Crucis, cui cum Pontifex consecrasset, quod collocabatur supra stellam, & tres montes, gentilitium Pontificis insigne.

Fontana censet, Veteres, in Obeliscis erigendis, plus & laboris & sumptuum impendisse, atque Obeliscum huncdiu, ante primam ejus erectionem, neglectum jacuisse: pes enim diuturnitate temporis videtur corrosus, quum iis in lateribus, quae terram versus conversa fuere, politissimus sit, tamquam si nuper elaboratus fuisset, quod & hodie apparet. Ait praeterea, vera tradidisse Plinium affirmantem, eum in ipsa erectione fuisse fractum; quia apex illius non eadem, ut in aliis, factus sit proportionem, debuissetque attingere altitudinem palmorum xii., quum vix vi. palmorum sit. Facilis itaque conjectura est; Veteres, postquam disruptus esset Obeliscus, Pyramidion majus efficere noluisse, ne saxi totius magnitudini decederet aliquid. Deinde apex hic non eodem modo cernitur elaboratus, uti reliquus Obeliscus, sed potius opus esse hominis rustici, eo quod minime sit politus. Et tandem Obeliscus idem, si proportionem consideres, minor est aliis Obeliscis, ut videre licet, in D. Augusti, nunc penes S. Mariam Populi Obelisco erecto; nec non in Constantis, qui hodie S. Johannis Lateranensis ornat aream in Circo Maximo repertis; ut & in Obelisco Hortorum Sallustii; & minore illo ad S. Mahutum: horum enim apices singuli unius & dimidii sunt capitis. Quod vero ad longitudinem horum Obeliscorum attinet, alii novem & dimidii, nonnulli decem capitum altitudinem habent, usque ad Pyramidii basin; noster vero, ne quidem novem capitum attingit altitudinem. Scribit Fontana, se in Obelisci translatione & erectione usum esse hominibus nongentis & septem, & equis centum & quadraginta.

Finita erectione Obelisci, suorum operatorum humeris sublatus Fontana gerebatur, circum cancellos omnes, domumque suam est deductus, quo confluerant tubicines tympanistaeque Urbis omnes, magno tympanorum tubarumque strepitu, ingenti cum applausu, ejus honori accinentes. Etiam hoc silentio praetereundum non est; Pontificem voluisse, ut die hoc, quo in Area Basilicae Divi Petri erigeretur Obeliscus, Orator, Regis Galliae nomine obedientiam Pontifici oblaturus, per Portam Anglicam Burgi, ingrederetur Urbem, aeramque praeteriret, ubi constitit, dum bini tractus peragerentur.

In summo Obelisci culmine Inscriptionem hanc poni iussit Pontifex.

SANCTISSIMAE. CRVCI.
SIXTVS. V. PONT. MAX.
CONSECRAVIT.
E. PRIORE. SEDE. AVVLVSM.
ET. CAESS. AVG. AC. TIB.
I. L. ABLATVM. M. D. LXXXVI.

OBELISCVS VATICANVS.

In quatuor Basīs lateribus.

SIXTVS. V. PONT. MAX.
OBELISCVM. VATICANVM. DIIS. GENTIVM.
IMPIO. CVLTV. DICATVM.
AD. APOSTOLORVM. LIMINA.
OPEROSO. LABORE. TRANSTVLIT.
AN. M. D. LXXXVI. PONT. II.

ECCE. CRVX. DOMINI.
FVGITE. PARTES.
ADVERSÆ.
VINCIT. LEO.
DE. TRIBV. IVDÆ.


SIXTVS. V. PONT. MAX.
CRVCI. INVICTÆ.
OBELISCVM. VATICANVM.
AB. IMPVRA. SVPERSTITIONE.
EXPIATVM. IVSTIVS.
ET. FELICIVS. CONSECRAVIT.
AN. M. D. LXXXVI. PONT. II.

CHRISTVS. VINCIT.
CHRISTVS. REGNAT.
CHRISTVS. IMPERAT.
CHRISTVS. AB. OMNI. MALO.
PLEBEM. SVAM. DEFENDAT.

In parte inferiore Basīs.

DOMINICVS. FONTANA. EX. PAGO. MILIAGRI.
NOVOCOMENSIS. TRANSTVLIT. ET. EREXIT.

Obeliscus hic altus est palm. CXIII. cum dimidio. Prope Basin vero, versus Orientem & Austrum, latus est palm. XII. versus Septentriones palm. XIII. at versus Occidentem palm. XIII. cum dimidio, Quatuor autem latera ejusdem propemodum sunt latitudinis palm. VIII. Denique Obeliscus hic, una cum Basī & ornamentis, a fundo soli, ad summum apicem, altus est palm. CLXXVIII. cum dimidio.



O B E L I S C V S

P A M P H I L I V S.



Eorum in Urbe satis celebre habetur a Latinis *Agonale* dictum, estque eo in loco, ubi olim fuit Circus, juxta Nardini sententiam. *Agonale* aurem dici a *Ludis Agonalibus*, non est dubium. Et hos quidem Ludos Mense Januario celebrari, Ovidius quoque scribit (*Fast.* l. 5. 318.) Ejus nominis non una redditur ratio, quarum nullam certissimam esse, monet Donatus. Laelius Bisciola (*Lib.* II. *cap.* 2. *Hor. subc.*) Ovidii testimonium secutus, hanc probat: quod in sacrificando Victimarius, Regem Sacrorum soleret percunctari, stricto jam gladio incumbens in cervicem bestiae. *Agon?* id est, *matrone?* Et hic quidem ritus festo dici nomen dedit. De eo sic loquitur Ovidius, loco citato.

*Nominis esse potes succinctus caussa minister,
Hestia caelitibus quo feriente cadit.
Qui calido strictos tincturus sanguine cultros,
Semper (Agone?) rogas; nec nisi jussus agis.*

Idem auctor etiam alias rationes adfert; quia nimirum victimae cum *Agone*, hoc est, labore & vi, traherantur. Si aliis credimus, *Agonalia*, quasi *agnalia*, ab *agnis*, qui mactabantur; aut etiam a Graeca voce *Agonitos* dicebantur. Festus: *Agonium ob hoc Ludum dixere, quia locus, in quo ludi primo sunt facti, fuerit sine angulo, cujus Festa Agonalia dicebantur.* Meliorem tamen nominis Etymologiam alibi adfert: *Agonium putabant Deum, praesidentem rebus agendis; Agonalia ejus festivitatem.* Apud Macrobius (*Lib.* I. *Saturn.* *cap.* 4. *med.*) *Antias Agonalium Ludorum repertorem Numam Pompilius refert, qui deinde singulis annis celebrabantur in Circo Agonali.* Hunc Circum instauravit certe, si non primus extruxit Alexander Imperator, qui vixit circa An. cccxxx. & ejus etiam Nummi talem Circum exprimunt.

Anno MDCLII quum Innocentius X. Ecclesiae praeesset, secutus vestigia gloriosa Praedecessoris sui Sixti V. mandavit Laurentio Bernino Equiti, fratrique ejus Ludovico Bernino, ut Obeliscum hunc e Circo Caracallae, summo labore erutum, in constitutum locum transferrent, cujus partes plures miro artificio conjunctas, ab Athanasio Kircheri opera & eruditione adjutus, Eques Berninus suo splendore restituit.

Et hic quidem ille Obeliscus est, quem, ut diximus, ex Circo Caracallae translatum Papa Innocentius X. in Foro Navonio splendidissimo fonte exornavit, ut celeberrimus in Urbe locus haberet cum ornamento utilitatem.

Inscriptiones in ejus basi legendae hujus sunt exempli.

INNOCENTIVS. X. PONT. MAX.
NILOTICIS. ENIGMATIBVS. EXARATVM. LAPIDEM.
AMNIBVS. SVPER. LABENTIBVS. IMPOSVIT.
V T. SALVBREM.
SPATIANTEBVS. AMOENITATEM.
SITIENTIBVS. POTVM.
MEDITANTEBVS. ESCAM.
MAGNIFICE. LARGIRETVR.
Tom. II.

NOXIA. AEGYPTIORVM. MONSTRA.
INNOCENS. PREMIT. COLUMBA.
QVÆ. PACIS. OLEAM. GESTANS.
ET. VIRTVTVM. LILIIS. REDIMITA.
OBELISCVM. PRO. TROPHEO. SIBI. STATVENS.
ROMÆ. TRIVMPHAT.

Q

OBE-

OBELISCVS PAMPHILIVS.


OBELISCVM.

AB. IMP. ANT. CARACALLA. ROMAM. ADVECTVM.
 CVM. INTER. CIRCI. CASTRENSIS. RVDERA.
 CONTRACTVS. DIV. IACVISSET.
 INNOCENTIVS. X. PONT. OPT. MAX.
 AD. FONTIS. FORIQVE. ORNAMENTVM.
 TRANSTVLIT. INSTAVRAVIT. EREXIT.
 ANNO. SAL. M. DC. LI. PONTIF. VII.

INNOCENTIVS. X. PONT. MAX.
 NATALI. DOMO. PAMPHILIA.
 OPERE. CVLTVQVE. AMPLIFICATA.
 LIBERATAQVE. INOPPORTVNIS. EDIFICIIS.
 AGONALI. AREA.
 FORVM. VRBIS. CELEBERRIMVM.
 MVLTIPlici. MAIESTATIS. INCREMENTO.
 NOBILITAVIT.

Totus est ex marmore Granito, frustis collectis & conjunctis, litterisque Hieroglyphicis, ab Athanasio Kircheri in ordinem digestis. Hic Obeliscus altus est palm. LXXX. Nos cum iconibus duabus expressimus.





O B E L I S C V S

S. IOANNIS LATERANENSIS.



BELISCVS hic, altissimus omnium, fuit quondam erectus a Constantio Augusto, in Circo Maximo, adveſtus Romam ex AEgypto, ut Ammianus teſtatur (*Lib. XVII. cap. 4.*) *per Oſtienſem portam Piſcinamque publicam Circo illatus eſt Maximo.*

Dicitur, adveſtus fuiſſe ex urbe AEgyptia Heliopoli, & idem eſſe Obeliſcus, quem Rameſſes AEgypti Rex (qui ab Euſebio vocatur *Ramiſes*, a Joſepho *Ramphates*, ab Herodoto *Ramphinitus*) collocarat Thebis in Solis Templo, ubique notatum ſacris AEgyptiorum litteris. Cambyſes, ejus ſervandi cauſſa, incendium reſtingui juſſit, quibus Thebae AEgyptiac conflagrarunt. Auſtor Plinius (*Lib. XXXVI. cap. 9.*) *Opus id feciſſe dicuntur xx. M. hominum. Ipſe Rex, cum ſubrecturus eſſet, verereturque ne machinae ponderi non ſufficerent, quo majus periculum curae artiſcium denuntiaret, ſilium ſuum adalligavit cacumini, ut ſalus ejus apud molientes prodeſſet lapidi. Hac admiratione operis effectum eſt, ut cum oppidum id expugnaret Cambyſes Rex, ventumque eſſet incendio ad crepidinem Obeliſci, exſtingui ignem juberet, molis reverentia, qui urbis (Thebarum) nullam habuerat.*

Conſtantine Magnus Alexandriam deferri eum curaverat, novam Romam ſuam ornaturus. Conſtantine vero, Patre deſuncto, eum avexit Romam, erigique juſſit in Circo Maximo.

Inſcriptiones ſequentes carminibus fuerant concinnatae, ſed quia lapideis fragmentis ablatis multae voces deſiderabantur, haſ Viri Litterati & ingenio praecellentes, Joannes Hieronymus Catena, a ſecreſis Epistoſis Illuſtriſſimi Cardinalis Alexandrini, & Michael Mercatus Phyſicus, Viridarii Summi Pontificis Praefectus, in hanc ſententiam eas emendarunt, & reſtituerunt, litteriſque majusculis baſi veteri incidi curarunt.

PATRIS. OPVS. MVNVSQ. *ſuum.* TIBI. ROMA. DICAVIT
AVGVSTVS. *ſuo.* CLEſſan. TIVS. ORBE. RECEPTO
ET. QVOD. NVLLA. TVLT. TELLVS. NEC. VIDERAT. AETAS
CONDIDIT. VT. CLARIS. EXAQVE. DONA. TRIVMFIS
HOC. DECVS. ORNATVM. GENITOR. COGNOMINIS. VRBIS
EſſE. VOLENS. CAESA. THEBIS. DE. RVPE. REVELLAT

SED. GRAVIOR. DIVVM. TANGEBAT. CVRA. VEHENDI
QVOD. NVLLO. INGENIO. NIſVQVE. MANYQVE. MOVERI
CAVCASEAM. MOLEM. DISCVRRENS. FAMA. MONEBAT
AT. DOMINVS. MVNDI. CONSTANTIVS. OMNIA. PRETVS
CEDERE. VIRTVTI. TERRIS. INCEDERE. IVSSIT
HVT. PARTEM. EXIGVAM. MONTIS. PONTOQ. TVMENTI

CREDIDIT. ET. PLACIDO. *vererent.* AQVRA. ſu. CTV
LITVS. AD. HESERIVM. TIBERI. MIRANTE. CARINAM
INTEREA. ROMAM. TAPRO. VASTANTE. TYRANNO
AVGVSTI. IACVIT. DONVM. STVDIVMQVE. LOCANDI
NOV. FASTV. SPRETI. SED. QVOD. NON. CREDERET. VLLVS
TANTAE. MOLIS. OPVS. SVPERAS. CONSVRGERE. IN. AVRAS

NVNC. VELVTI. RVRSVS. RVſr. AVVLSA. METALLIS
EMICVIT. PVLSATQ. POLOS. HAEC. GLORIA. DVDVM
AVCTORI. SERVATA. SVO. CVm. CAEDE. TYRANNI
REDDITVR. ATQVE. ADITVR. ROMA. VIRTUTE. REPERTO
VICTOR. OVANS. VRBIQVE. *locat. ſublim.* TROPAEVM
PRINCIPIS. ET. MVNVS. CONDIGN. *uſQVE.* TRIVMFIS

Auctorem horum verſuum ignoraffe hiftoriam eorum temporum docet Bargaeus (*in ſua Epistoſa de Urbis everſoribus*) Vult enim, Obeliſcum hunc, Conſtantini paris juſſu, e rupe Syene caelum & revulſum; id quod falſum eſſe, plenumque erroris oſtendit Ammianus Marcellinus (*Libro & Capite citato*) Et quia ſuſſantes adulatores ex more Conſtantium id ſine modo ſtrepebant, quod cum Octavianus Auguſtus Obeliſcos duos ab Heliopolitana civitate tranſtuliffet AEgyptia, quorum unus in Circo Maximo, alter in Campo locatus eſt Martio; hunc recens adveſtum difficultate magnitudinis territus, nec contrivellare auſus eſt, nec movere, diſcant qui ignorant, veterem Principem (Auguſtum intelligit) tranſlatiſ aliquibus, hunc intactum

Tom. II.

R

ideo

ideo praeterisse, quod Deo Soli speciali munere dedicatus, fixusque intra ambitios templi delubra, quae contingi non poterant, tamquam apex omnium eminebat. Verum Constantinus id parvi ducens, avulsam hanc molem sedibus suis, nihilque committere in religionem recte existimans, si ablatum uno templo miraculum Romae sacraret, id est, in templo Mundi totius, jacere diu perpeffus est, dum translationi pararentur utilia. In frequentibus capitis huius ab eodem Auctore accurate describitur erectio Obelisci, Constantii Imperatoris iussu peracta. *Sola post haec restabat erectio, quae vix aut ne vix quidem sperabatur posse compleri: erectisque usque periculum altis trabibus, ut machinarum cerneret nenuis, inmedium vasti fumes & longi, ad speciem multiplicium liciorum, coelum densitate nimia subtexentes: quibus colligatus mons ipse effigiatus scriptilibus elementis, paulatimque id per arduum inane protentus, diu pensilis, hominum millibus multis tamquam molendinarius rotantibus metas, cavea locatur in media.*

Hic Obeliscus, visitationibus Gothorum everfus, inventus est, in tria frustra diffractus, & alte sepultus ad palmos xxiv. in solo paludinoso, in ruinis Circi Maximi, An. Christi MDLXXXVII. Transferebatur illinc, iubente Sixto V. Pont. Max. ante Basilicam Lateranensem, ubi tria frustra illius, mira arte conjuncta, erigebantur, supra basin excelsam & novam, opera Dominici Fontanae, & imponebantur ei tres Montes cum Stella, insignia Sixti V. & in summo cacumine conspicitur signum sanctissimae Crucis, cui hic Obeliscus fuit consecratus. In basi nova leguntur sequentia.


CONSTANTINVS.
PER. CRVCVM.
VICTOR.
A. S. SILVESTRO.
HIC. BAPTIZATVS.
CRVCIS. GLORIAM.
PROPAGAVIT.

FL. CONSTANTINVS.
MAXIMVS. AVG.
CHRISTIANÆ. FIDELI.
VINDE. ET. ASSERTOR.
OBELISCVM.
AB. ÆGYPTIO. REGE.
IMPRO. VOTO.
SOLI. DEDICATVM.
SEDIIVS. AVVLIVS. SVIS.
PER. NILVM. TRANSFERRI.
ALEXANDRIAM. IVSSIT.
VT. NOVAM. ROMAM.
AB. SE. TVNC. CONDITAM.
EO. DECORARET. MONVMENTO.

SIXTVS. V. PONT. MAX.
OBELISCVM. HVNC.
SPECIE. EXIMIA.
TEMPORVM. CALAMITATE.
FRACTVM. CIRCI. MAX.
RVNIS. HVMO. LIMOQVE.
ALTE. DEMERSVM. MVLTO.
IMPENSIV. EXTRAXIT.
HVNC. IN. LOCVM. MAGNO.
LABORE.
TRANSTVLIT.
FORMEQVE. PRISTINÆ.
ACCVRATE. RESTITVTVM.
CRVCL. INVICTISSIMÆ.
DICAVIT.
A. M. D. LXXXVIII. PONT. IV.

FL. CONSTANTIVS. AVGVST.
CONSTANTINI. AVG. FIL.
OBELISCVM. A. PATRE.
LOCO. SVO. MOTVM.
DIVQVE. ALEXANDRIÆ.
IACENTEM.
TRECENTORVM. REMIGVM.
IMPOSITVM. NAVI.
MIRANDÆ. VASTITATIS.
PER. MARE. TIBERIMQVE.
MAGNIS. MOLIBVS.
ROMAM. CONVECTVM.
IN. CIRCO. MAX.
PONENDVM.
S. P. Q. R. DD.

Victor tradit, altitudinem huius Obelisci fuisse pedum cxxxii. sed hoc intelligendum est, a fundo terrae ad summum ejus cacumen; tot enim pedes conficiunt palmi clxxxiii. cum dimidiis. Obeliscus autem ipse, juxta Mercati mensuram, continet palm. clxviii. cui tamen palmi iv. vetustate corrosi, sunt ablati. Est igitur altus palm. cxxx. usque ad pyramidion, cujus altitudo palmarum xiv. addita palmis cxxx. conficit palm. cxliv. Latera majora prope basin, Australe & Boreale, latitudinem habent palm. xiii. cum quarta, prope pyramidion palm. ix. cum dimidia. Latera minora, Orientale & Septentrionale, prope basin continent palm. xii. cum tertia, prope pyramidion vii. cum tribus quartis. Totus denique, a planitie terrae ad summum ejus apicem, altus est palm. clxxxii.



F O R V M

N E R V A E

FORVM NERVAE communiter omnes opinantur fuisse ad radices Quirinalis Montis, prope Palatium, quondam Comitum, nunc Grillorum. Visitur hic reliqua pars ingentis Aedificii antiqui, cuius partem maiorem occupavit Ecclesia S. Basilii, & Monasterium Neophytorum. Supereft muri pars magna etiam nunc e saxo quadrato, sed habet illa multos, & contra elegantiam artemque Architecturae reductos amfraetus. Apparet hinc viae antiquae, muro huic contiguae, flexus fuisse eosdem, quos proinde sequi debuit ipsa aedificii structura. Pars interior prominet, sustentata tribus columnis grandibus, striatis, & perpuleris, cum Trabeatione magnificentissima. Et certe licet hinc conjicere, quantus fuerit splendor, quantaque magnificentia Aedificii veteris.

Forum Nervae fuit post Forum Augusti, & remotius a Foro Romano. De hoc Foro Suetonius (cap. 5.) Excitavit Forum Domitianus, quod nunc Nervae vocatur. Occiso enim Domitiano, antequam abfolveret Forum, Nerva successor perfecit, dedicavitque. Dicebatur vero Transitorium, non quod opportunum commodumque praebere transitum in Fora alia, ut Marlianus, aliique putant: sic enim & Fora Augusti, & Caesaris, & alia recte appellarentur Transitoria. Sed quia in eo erat aliquod Jani Templum, cum Portis quatuor, sive Arcubus. Et hi quidem Jani Quadrilateri Transitiones vocabantur, quod transeuntibus liberum omni tempore praebere transitum. Et sane Nerva Forum Quadrifrontem, ex delubro humiliore, transulit in Forum suum. Martialis, (Lib. X. Epigr. 28.)

Annorum nitidique sator pulcerrime Mundi,
Publica quem primum vota precesque vocant,
Pervius exiguis habitabas ante penates,
Plurima qua medium Roma terebat iter.
Nunc tua Caesaris cinguntur linmina donis,
Et fora tot numeras, Jani, quot ora geris.
At tu, sancte pater, tanto pro munere gratus,
Ferrea perpetua claustra tueri sera.

Tertius, qui Forum hoc exornavit, fuit Imperator Alexander. De eo Lampridius (in vita Alexandri cap. 28.) Statuas Colosseas, vel pedestres nudas, vel equestres, Divis Imperatoribus in Foro D. Nervae, quod transitorium dicitur, locavit omnibus cum titulis, & columnis aereis, quae gestorum ordinem continerent, exemplo Augusti, qui summorum virorum statuas in foro suo e marmore collocavit, additis gestis.

Praetereundum id quoque non est, quod in Foro Nervae rei aliquando supplicii sunt affecti, quum alia Fora tria judiciis habendis essent dicata. Exemplum habemus in Vetronio Turino, qui, acceptis muneribus, multa petentibus, nomine Imperatoris, promiserat. De eo Lampridius refert (Ibidem cap. 36.) In Foro Transitorio ad stipitem illum ligari praecepit Alexander, & fumo apposto, quem ex stipulis atque humidis lignis fieri jusserat, necavit, pracone dicente: Fumo punitur, qui vendidit funum.

Spatium Fori hujus certo definiri nequit, sed fuit ornatissimum, & structurae elegantis, utpote aedificari coeptum a Domitiano, aemulatione quadam Caesaris & Augusti. Neque enim Domitianus fecit opera, nisi eximia & praestantia.


Prope hanc Basilicam, de qua sumus locuti, in muro, qui Forum complectebatur, visitur etiam nunc Porta, quae transeuntibus patebat, cui nunc corrupte Arcus Noë, pro Nervae, datur nomen.


Tres denique Columnae marmoreae, striatae, & perelegantes, quae hodie conspiciuntur in hoc Foro, dicuntur esse reliquiae Templi Nervae Caesaris. Est autem iis imposita Turris campanaria Ecclesiae monialium S. Basilii ad latus marmorei Aedificii. De hoc Templo loquitur Plinius (in Panegy. cap. 11.) Nervam lacrymis primum, ut filium decuit, mox templis honestasti, non imitatus illos, qui hoc idem, sed alia mente fecerunt.

Tom. II.

S

COLUMNÆ





C O L V M N A M I L L I A R I A.



OLVMNAS lapideas, indicantes spatiorum notas & signa, per totam Italiam primus statuit C. Gracchus, dimenso viarum spatio. Plutarchus (*in Gracchis*) *Elaboravit autem potissimum in viis muniendis, tam utilitatis, quam oblectamenti, & ornatus curam gerens. Ducebantur enim directae ad amissum per agros viae, atque hinc lapide quadrato stenebantur, hinc glareae aggeribus adiectis refectiebantur. Complebat, & pontibus iungebat lacunas torrentibus, vel specubus excavatas, ac lateribus pari inter se fastigio utrinque comparatis, aequabilem habebat & visendum undique opus faciem. Adhuc viam omnem per milliaria dimensus (capit autem paulo minus octo stadia milliare) columnas lapideas, spatii signandi gratia, locavit. Ovidius (II. *Fast.* ubi de Terminalibus.)*

*Ille lanigeri pecoris tibi, Termine, fibris
Sacra videt fieri sextus ad Urbe lapis.*

Rutilius (*Itinerario Lib. II. v. 7.*)

*Intervalla viae fessis praestare videtur,
Qui notat inscriptus millia crebra lapis.*

Una harum Columnarum milliariarum, praeferebat numerum Primum, hodie translata est in Capitolium. His longitudines viarum indicabantur, quantoque quis spatio ab Urbe abesset. Et haec quidem omnium fuit prima, Urbique proxima, ut ex illius constet Titulo. Huic Columnae etiam inscriptiones videntur Inscriptioes sequentes.

In Scapi parte I. & II.

IMP. CAES. VESPA
SIANVS. AVG
PONT. MAX. TRIB
POT. VII. IMP
XVII. P. P. CEN
SOR. COS. VII. DE
SIGN. VIII.

IMP. NERVA. CAES
AVG. PONT
MAX. TRIB. POT
COS. III
PATER. PATRIAE
REFECIT

In basi vero haec sequens Inscriptio legitur.

IMP. CAESARI DIVI
TRAIANI PARTHICI F
DIVI NERVAE NEPOTI
TRAIANO. HADRIANO
AVG. PONTIF. MAXIM
TRIB. POT. II COS. II

VIATORES. QVL IPSI. ET. COS. ET
PR. CETERISQ. MAGISTRATIB
APPARENT. ET. H. V.

Ab utroque autem Basis latere leguntur hac duae Inscriptioes.


QVÆ. PEREGRINA. DIV. STETERAM.
MENS V-R-A. VIARVM.
NVNC. CAPITOLINI CVLMINIS.
INCOLA SVM.
MVTIVS. DE. MAXIMIS.
LEONARDVS. CIOGNIYS.
LVTIVS. SABELLVS.
CONSERVATORES.
SCIPIO. HIPPLYTVS. DE. ROSSI. PRIOR.
IN. MELIOREM. FORMAM.
REDEGERVNT.
AN. SAL. M. D. C. XCH.

S. P. Q. R.
COLVMNAM. MILLIARIAM.
PRIMI. AB. VRBE. LAPIDIS. INDICEM.
AB. IMPP. VESPASIANO. ET. NERVA.
RESTITVTAM.
DE. RVINIS. SVBVRBANIS. VIÆ. APPIÆ.
IN. CAPITOLIVM. TRANSTVLIT.
AVCTORIBVS.
ANTONIO. MACAROTIO. DE. LEONIB. } CONSS.
IVLIO. GVALTERIO.
VINCENTIO. CAPOCIO.
HORATIO. MVTIO. PRIORE.

Tom. II.


T

COLV-



COLUMNA

DVILIA, five ROSTRATA.



OLUMNAE plures fuerunt quondam in Foro positae pro tropaeis. Et docet Plinius harum usum statuis esse vetustiore (Lib. XXXIV. cap. 5.) ubi loquitur de Maenia & Duilia. *Antiquior Columnarum, sicut C. Maenio, qui devicerat priscos Latinos, quibus ex foedere tertias praedae Pop. Rom. praestabat, eodemque in Consulatu in suggestis rostra devictis Antiatis fixerat Anno Urbis ccccxvi. Item C. Duilio, qui primus Navalem Triumphum egit de Poenis, quae est etiam nunc in Foro.*

Fuerat haec antiquitus ornata rostris æneis navium captarum a Carthaginensibus, bello maritimo; teste Silio (Lib. VI. v. 663.)

*Æquoreum juxta decus, & navale tropaeum
Rostra gerens, nireva surgebat mole columna
Exuvias Marti, donumque Duilius alto
Ante omnes merita Poenorum classe dicabat.*

Hodie marmorea duntaxat rostra in Columna nova conspiciuntur, cui basis, seu parastata potius, non procul ab Arcu Septimii, in Foro ipso Romano, proximis superioribus annis, e ruderibus effossa fuit. Quo autem auctore, aut quando haec parastata in Capitolium e Foro sit translata, ignorare me cum Ciacconio, & aliis Viris Doctis libens profiteor. Boherellus certe, & Tanaquillus Faber, & Gassendus ante hos, non arbitrantur veram esse Duilii Inscriptionem, quae inserta stat muro Palatii Conservatorum in Capitolio, ad imam scalam a sinistra in introitu. Ciacconius quoque hanc Basim Columnae ejus, post C. Caesarem, & fortasse etiam post Plinium, atque Quinstitianum restitutam censet, eo quod ad antiquam scribendi rationem negligentius effecta sit & expressa, prout hoc accuratissime ab ipso Ciacconio ostenditur, per totam explicationem Inscriptionis hujus, quam supplere ex conjecturis doctissimis, in amissis vocabulis, feliciter est conatus.

Inscriptionem, quae in Basi ejus legitur, Ciacconius minoribus litteris supplevit, & hujus argumenti fuisse, existimat.

C. DILIOS. M. F. COS. ADVORSOM. CARTACINIENSEIS. EN. SICELIAD
REM. CERENS. ECEST. ANO S. COGNATOS. POPLI. ROMANI. ARTISVMAD
OBSEDEONED. EXEMET. LECTION. EIS. CARTACINIENSEIS. OMNEIS
MAXIMOSQVE. MACISTRATOS. LVGAES. BOVEBOS. RELICTEIS
NOVEM. CASTREIS. EXFOCIONT. MACELAM. MOENITAM. VRBEM
PVCNANDOD. CEPET. ENQVE. EODEM. MACESTRATOD. PROSPERE
REM. NAVEBOS. MARID. CONSOL. PRIMOS. CESET. RESMECOSQVE
CLASESQVE. NAVALES. PRIMOS. ORNAVET. PARAVETQVE. DIEBOS LX
CVMQVE EIS. NAVEBVS. CLASEIS. POENICAS. OMNIS. PARATASQVE.
SVMAS. COPIAS. CARTACINIENSIS. PRAESENTED. MAXMOD
DICTATORED. OLOROM. IN. ALTOD. MARID. PVCNANDOD. VICET
XXXQVE. NAVEIS. CEPET. CVM. SOCIIS. SEPTEMRESMOMQVE. DVCIS
QVINRESMOSQVE. TRIRESMOSQVE. NAVEIS. XX. DEPRESET
AVROM. CAPTOM. NVMEI. P. P. DCC

ARGENTOM. CAPTOM. PRAEDA. NVMEI. CCCCLXXX C

GRAVE. CAPTOM. AES. CCCCLXXX CCCCLXXX CCCCLXXX CCCCLXXX CCCCLXXX CCCCLXXX

CCCCLXXX CCCCLXXX CCCCLXXX CCCCLXXX CCCCLXXX CCCCLXXX CCCCLXXX CCCCLXXX

CCCCLXXX CCCCLXXX CCCCLXXX CCCCLXXX CCCCLXXX CCCCLXXX CCCCLXXX PONDOD

TRIUMPOQVE. NAVALED. PRAEDAD. POPLOM. ROMANOM. DONAVET
CAPTIVOS. CARTACINIENSEIS. INCENVOS. DVXET. ANTE. CVROM
PRIMOSQVE. CONSOL. DE. SICELIS. CLASEQVE. CARTACINIENSEOM
TRIUMPAVET. EAROM. REROM. ERGO. S. P. Q. R. EI. HANCE. COLVNAM. P.

Explicatio Columnae Rostratae, a Ciacconio concinnata. Quae semicirculis includuntur, explanationis causa sunt addita.

Cajus Duilius Marci filius Consul adversus Carthaginienses in Sicilia
rem gerens, Egestanos (socios atque) cognatos populi Romani artissima
obfatione exemit. Legiones (enim) omnes Carthaginiensium (qui Egestam obsidebant, & Amilcar)
maximus (eorum) magistratus (sistendi studio) elephentis relictis
novem, castris effugerunt. Macellam (deinde) munitam (validamque) urbem
pugnando cepit. Atque in eodem magistratu prospere rem navibus mari Consul primus gessit: remiges
classesque navales primus ornavit atque paravit diebus sexaginta. & cum his navibus, classes Punicas omnes,
paratas (ornatas) que summis copias Carthaginiensium, praesente (Annibale) maximo dictatore illorum, in
alto mari pugnando superavit;
trigintaque naves cum sociis (hoc est cum ipsis hominibus) cepit, & septiremem praetoriam,
quinguetremes (praetoria) ac trivemes naves xx depreffit.

Aurum captum in praeda: nummi III. M. DCC.

Argentum captum in praeda: nummi C. M.

AES grave captum vicies semel centena millia pondo atque in triumpho navali praedam (omnem in aerarium)
Populi Rom. intulit.

captivos (etiam) Carthaginienses ingenuos (hoc est, nobiles aliquot) ante currum duxit:
primusque Consul, de Sicilia, & classe Carthaginiensem triumphavit. Earum rerum ergo
S. P. Q. R. ei hanc columnam posuit. vcl

triumphavit. Earum rerum ergo Marti donum dedit atque dicavit.



C O L V M N A

INCOGNITA, IN CAMPO VACCINO.



OLUMNAE hujus nullam invenio mentionem esse factam, apud Scriptores Veteres, vetustaeque antiquitatis Interpretes Literatissimos. Quum Romae peregrinarer, consului super ea re antiquitatum Romanarum Doctissimos, sed inutiliter, ac frustra. Est tamen in semet satis elegans, quamvis ignota penitus Romanis, civibus suis. Si quis autem conjecturis hac in re sit locus; suspicor, unam esse ex ruinis Vestibuli Templi cujusdam. Hujus enim generis Columnae iis usibus destinabantur.

Columna ipsa est striata ex lapide Pario, habetque diametron palmor. VI. & unius pollicis, ordine Corinthio.



C O L V M N A

PACIS, five S. MARIAE MAIORIS.



COLVNA haec stetit olim in ruinis Templi Pacis, quod maximum omnium & splendidissimum Vespasianus condiderat, & temporibus Commodi est exustum. Tota est marmorea, striata, admirandaeque altitudinis, potestque videri sustinuisse fornicis latus annexum. Hanc Papa Paulus V. inde avehit, & in Exquilini Montis area Meridiana collocari iussit in basin, quam construxit, ante Liberianam Basilicam; atque in summo culmine ejus posuit aeream statuam Virginis, Servatorem gestantis, inauratam.

Opus hoc perfecit Carolus Madernus, Architectus Mediolanensis. Statuam vero ex argilla confecit primum Guilielmus Gallus, quam ex aere deinde fudit Dominicus Ferreris. Hujus statuæ altitudo est palmorum viginti. Columna vero explet palmos septuaginta quinque, sine basi & peristyllo. Tota autem a fundo plateae, cum statua & basi, ad palmos centum & septuaginta quinque ascendit. Diametros ejus est palmorum octo, & pollicum trium. Columna ipsa solidus est, & unicus Lapis marmoris Parii, ordinis Corinthii.

Basi superimpositi cernuntur dracones duo, & totidem aquilae, ex aere, deauratique, quos suis insculptos praeferbat Insignibus Papa Paulus V. Borgheius. Ad basin ejus idem Pontifex conduxit Aquam Felicem, & illic construxit civium bono fontem publicum.

Balthasar Anfidaeus Perusinus, Basilicae Vaticanae custos, sequentem basis titulum composuit.


PAVLVS. V. PONT. MAX.
COLVMNAM. VETERIS. MAGNIFICENTIAE. MONVMENTVM.
INFORMI. SITV. OBDVCTAM.
NEGLECTAMQVE. EX. IMMANIBVS. TEMPLI. RVINIS.
QVOD. VESPASIANVS. AVGVSTVS. ACTO. DE. IVDAEIS. TRIVMPHVS.
ET. REIPVBLICAE. STATV. CONFIRMATO. PACI. DICAVERAT.
IN. HANC. SPLENDIDISSIMAM. SEDEM. AD. BASILICAE. LIBERIANAE.
DECOREM. AVGENDVM. SVO. IVSSV. EXPORTATAM.
ET. PRISTINO. NITORI. RESTITVTAM.
BEATISSIMAE. VIRGINI.
EX. CVIVS. VISCERIBVS. PRINCEPS. VERAE. PACIS. GENITVS. EST.
DONVM. DEDIT.
AENEAMQVE. EIVSDEM. VIRGINIS. STATVAM. FASTIGIO. IMPOSVIT.
ANNO. SAL. MDG. XIV. PONTIF. IX.

Antonius Querengus, utriusque Signaturae Referendarius, lateribus ejusdem Basis adscribi curavit
hocce Jambo.

IGNIS. C O L U M N A.
PRÆTVLIT. LVMEN. PIIS.
DESERTA. NOCTV.
VT. PERMEARENT. INVIA.
SECVRI. AD. ARCES.
HÆC. RECLVDIT. IGNEAS.
MONSTRANTE. AB. ALTA. SEDE.
CALLEM. VIRGINE.

IMPVRA. FALSI. TEMPLA.
QVONDAM. NVMINIS.
IVBENTE. MOESTA.
SVSTINEBAM. CÆSARE.
NVNC. LATA. VERI.
PERFERENS. MATREM. DEL.
TE. PAVLE. NVLLIS.
OBTICEBO. SÆCVLIS.

VASTA. C O L U M N A M . M O L E .
QVÆ. STETIT. DIV.
PACIS. PROPHANA. IN. ÆDE.
PAVLVS. TRANSTVLIT.
IN. EXQVILINVM. QVINTVS.
ET. SANCTISSIMÆ.
PAX. VNDE. VERA. EST.
DEDICAVIT. VIRGINI.



C O L U M N A

A N T O N I N I



OLUMNAM, seu cochlidem hanc, Marco Aurelio Antonino Pio, sed jam mortuo, erexit Senatus, in Foro nominis ejusdem.

Factam, ad exemplar Columnae Trajani, dedicavit, in Campi Martii arca Flaminia, Senatus M. Aurelio Antonino Pio, Philosopho, ut diximus, non autem Antonino Pio, ejus socero. Siquidem, notante Nardino & Donato & aliis, in ipsa Columna insculptae imagines Marcomannici belli, quod Marcus gessit, non Antoninus Pius, una cum icuncula Jovis Pluvii, laborante siti exercitu, satis illustre documentum sunt, Columnam hanc a Senatu, & filio ejus Commodo erectam esse memoriae patris, Marci Aurelii Antonini Philosophi. Nummus vero, a Nardino, cum effigie Columnae citatus, cuius fuit in honorem Antonini Pii, exhibetque aliam columnam solidam, ei Imperatori erectam, quae anno demum MDCIII. eruta est. Vide hac de re (*Dissert. Cl. V. Johannis Vignolii, ut & R. P. Francisc. Blanchini Dissert. de Kalend. & Cyclo Caesaris.*)

Gradus habet centum nonaginta: reliqui septem, qui ab antiquae portae limine incipiebant, terra sunt obruti. Fenestellae numerantur quatuor & quadraginta in Columna, & quatuor aliae fuerunt in basi vetere, quarum una tantum mansit aperta.

In ejus fastigio summo ingens stetit statua M. Aurelii Antonini Philosophi, prout ex antiquis Scriptoribus discimus. Visuntur quoque, ut notavimus, in hac Columna imagines, exprimentes gestas in bello Marcomannico res, prout id non obscure ex historiarum fide liquet. Clarissime tamen, ut dictum, id constat ex imagine Pluvii Jovis fulminantis. Expressum hoc in Columna voluerunt, quod pietate militum Legionis Christianorum (quae proinde, uti vulgus credit, *Legio fulminatrix* dicta fuit) impetrata a Deo est pluvia exercitui sitienti, & obfesso. Nam Gentiles id beneficium Diis suis tribuebant. Julius Capitolinus, in M. Antonino Philosopho (*cap. 24.*) *Fulmen de coelo precibus suis contra hostium machinamentum Marcus extorsit, suis pluvia impetrata, cum sui laborarent.* Legendus erit Baronius, in suis Annalibus accuratius haec describens (*Tom. II. An. Sal. 176.*)

Fuit autem elaborata non tanto artificio, quanto constat Trajani Columnam esse factam. Artes quippe tunc temporis magnam partem erant diminutae, ut notat Doctissimus Casalius (*cap. II. de Splendore Urbis.*)

Huic autem Imperatori, plura honoris & gloriae monumenta a Senatu Populoque Romano decreta fuisse, testantur Historici. Aurelius Victor (*in Epitome*) *De ejus morte nuntio Romani pervecto, &c. omnes pari sensu praesumpserunt, Marcum coelo receptum esse, ob cujus honorem templa, Columnae, multaque alia decreta sunt.* Et idem Auctor (*de Caesaribus.*) *Qui se juncti in aliis Patres & vulgus, soli omnia decrevere, templa, Columnas, sacerdotes.*

Hanc Columnam, ex marmore Pario factam, ruinis fatiscentem, & incendiis ac vetustate collapsam, injuriaque temporum deformem, Sixtus V. restauravit. Factum id An. Sal. M. D. LXXXIX. Architecto operis Dominico Fontana, qui & Columnae fastigio imposuit S. Pauli simulacrum, ex aere deauratum, aliumque palmos Romanos XIX. Nam huic Apostolo Columna haec ab eodem Pontifice fuit consecrata, quod & testatur Titulus, legendus subter pedes statuae Pauli, divisus in quatuor partes.

SIXTVS. V. S. PAVLO. APOST. PONTIF. ANNO. IV.

Inscriptiones sequentes habentur in quatuor Basibus Columnae lateribus.

SIXTVS. V. PONT. MAX.
COLVMNAM. HANC.
COCHLIDEM. IMP.
ANTONINO. DICATAM.
MISERE. LACERAM.
RVINOSAMQVE. PRIMÆ.
FORMÆ. RESTITVIT.
A. M. D. LXXXIX. PONT. IV.


M. AVRELIVS. IMP
ARMENIS. PARTHIS
GERMANISQVE. BELLO
MAXIMO. DEVICTIS
TRIVMPHALEM. HANC
COLVMNAM. REBVVS
GESTIS. INSIGNEM
IMP. ANTONINO. PIO
PATRI. DEDICAVIT

SIXTVS. V. PONT. MAX.
COLVMNAM. HANC.
AB. OMNI. IMPIETATE.
EXPVRGATAM.
S. PAVLO. APOSTOLO.
ÆNEA. EIVS. STATVA.
INAVRATA. IN. SVMMO.
VERTICE. POSITA. D. D.
A. M. D. LXXXIX. PONT. IV.

TRIVMPHALIS.
ET. SACRA. NVNC. SVM.
CHRISTI. VERE. PIVM.
DISCIPVLVM. FERENS.
QVI. PER. CRVCIS.
PRÆDICATIONEM.
DE. ROMANIS.
BARBARISQVE.
TRIVMPHAVIT.

Manifeste in hac tertia Inscriptione erratum est, contra fidem historiarum omnium. Siquidem, ut vidimus, hanc Columnam ipsi Marco Aurelio, jam defuncto, ponendam curavit Senatus, non contra, Marcus Aurelius vivens Patri, vel potius Socero.

Tota Columna alta est palm. Rom. ccxxx. Diametros Scapi continet palm. xvi. & iv. poll.



T H E R M A E

T I T I



HERMAE TITI fuerunt prope ipsam aedem S. Petri in Vincula, coenobiumque & hortum. Ostendunt hoc manifestissime monumenta antiquitatis insignia, quae illic conspiciuntur, fabricis speciem Thermarum referentia. Testis Suetonius, Tiro (*cap. 7.*) *Amphitheatro dedicato, iberisque juxta celeriter exstructis* (Tirus) munus edidit apparatissimum, largissimumque. Martialis, *de Spectaculis* (epigr. 2.)

*Hic, ubi miramur velocia munera thermas,
Abstulerat miseris tecta superbus ager.*

Et (*Lib. III. epigr. 20.*)

Titine thermis, an lavatur Agrippae.

Sunt qui Trajanum non fecisse novas thermas, sed veteres Titi instaurasse affirmant, contra auctoritatem Victoris & Rufi, qui utraque distinguunt, dividuntque. Multo tamen est verisimilius; Trajanum thermas Titi ampliassse, aedificiis novis additis, ad majorem illarum splendorem, atque commoditatem. Et hinc quidem venit nomen *Thermarum Trajani*. Estque nulla ratio conjecturae vero propioris; quam novas a Trajano exstructas non fuisse thermas, in tanta vicinia thermarum Titi. Donati tamen sententia est; Titi Caesaris Thermas fuisse proximas, & paene contiguas thermis a Trajano aedificatis.

Inventa sunt, in his Thermis, duo marmoris frustra: in horum uno erat sculpta flamma cum hoc Titulo.

I O V I
I M P. V E S P A S I A N V S
A V G.
P E R. C O L L E G I V M. P O N T I F I C V M
F E C I T.

Sed Fulvius Ursinus, qui Marlianum notis illustravit, docet; falsam esse Inscriptionem de Titi Thermis, quum scribi debuisset Trajani, ex duabus basibus statuarum, quarum altera translata fuit e Trajani thermis in aedes Maffeorum, cum hac Inscriptione.

I V L I V S F E L I X C A M P A N I A
N V S V C P R A E F E C T V S V R B I
A D A V G E N D A M T H E R M A
R V M T R A I A N A R V M G R A T I A M

✱ C O N L O C A V I T ✱

Magna est controversia de loco nuncupato Italica Lingua, *le sette Sale di Vespasiano, septem aulae, sive atria Vespasiani*; & de loco in thermis Diocletiani, vulgo, dicto *Botte de therme* (ad quae verba notat Ursinus Marliani commentator: *Hic quae thermarum DOLIA vocitantur erat dicendum.*) Est autem sciendum, castella aquarum fuisse. Neque enim thermas, tantum ad usus publicos exstructas, sua habuerunt castella, in quae juxta moduli erogationem, quinarias suas accipiebant, quas subministrarent balneis, prout requirebat usus; verum etiam privatis thermis, ut Frontinus refert, sua fuerunt castella, in quae derivarent aquam, ex publico castello depromptam, eandemque in usus sibi necessarios distribuerent. Sententia Montefauconii est, fuisse Lymphacum, sive Nymphacum Claudii, a Rufo consequenter post Thermas Titi & Trajani recensitum: nam & locus quadrat, ac

Tom. II.

A a

vix


vix putarēt quispiam tam nobile aedificium in enumeratione praetermissum fuisse; neque potest suspicio cadere in quidpiam aliorum, quae memorantur a Rufo. Notat idem Montefauconius, in singulis aulis septem esse portas, a quibus ad vicinas sit transitus, ita concinne positas, ut ab ultima aula, qui in porta consistit, septem una serie portas a prima ad postremam aulam linea transversa videat. A constanti septem portarum numero impetratum est, ut aulae, quae novem sunt, septem aulae, sive *le sette Sale*, plebejo usu vocitentur. Exstant vero hae novem camerae ingentes solo vicino demissiores, ubi quis ex S. Martini Ecclesia, spectandi causa, in contemnendam icrit viam. Omnes autem sunt latitudine pedum XVII. cum dimidio. Longitudo varia est, nec una; ubi vero maxima, continet pedes CXXXVII.


Inter opera publica recensentur *Balneum Torquati & Vespasiani*. Intelligendus est autem *Titus Vespasianus*, qui *Amphitheatrum*, & *prope illud Balneum*, seu *Thermas* celeriter (ut loquitur Suetonius) *extruxerat*. De his ita scribit Dion (*Lib. LXVI.*) *Amphitheatrum venationum causa, & Balnea suo nomine dedicavit*. Fuit ergo & ibi *Theatrum Torquati*, de quo tamen nihil dum me invenisse certo scio. Apud Sextum Rufum & P. Victorem legitur (*in regione prima*) *Lacus Torquati & Vespasiani*. Sed utrumque verum esse queat: nam lacus ad usum balnei erant.

Ante complures annos Ferdinandus Cardinalis Mediceus *Labrum ingens* ex his locis avexit in hortos suos, sitos in monte Pincio.

In ruinis prope has Thermas inventa fuit *Laocoontis statua*, quam in domo Titi Imperatoris collocatam fuisse Plinius auctor est (*Lib. XXXVI. cap. 5. sub finem*) his verbis: *Laocoon in Titi Imperatoris domo, omnibus & picturae, & statuariae artis praeferendum: ex uno lapide eum, & liberos, draconumque mirabiles nexus de consilii sententia fecere summi artifices Agesander, & Polydorus, & Athenodorus, Rhodii*. Sed observarunt aliqui, statuam hanc Laocoontis & liberorum ejus, quae in Vaticano nunc est collocata, e duobus lapidibus esse factam, & propterea hanc statuam Laocoontis esse non posse, quae stetit in domo Titi. Omnibus tamen rite consideratis rationibus, dubitari nefas est, quin Vaticanus Laocoon non sit alius ab eo, de quo Plinius loquitur.

Duas exhibemus harum Thermarum Icones.





T H E R M A E

P H I L I P P I



D Thermas Philippi censentur pertinuisse rudera, quae ad Ecclesiam S. Matthaei in Merulana. Et quamquam certi nihil ea de re constar; conjecturae tamen aliquatenus confirmantur, ex situ loci, & forma ruinarum. Videtur enim id ipsum probare vetus Inscriptio, ibidem reperta, & a Panvinio allegata.

L. RVBRIVS. GETA. CVR. P. CCCXXIII
D. N. PHILIPPI AVGVSTI THERMAE.

Hinc verisimile existimatur quoque, quum Philippus habuerit suam domum in Regione secunda, fuisse hanc Thermis ejus vicinam in Suburra. Adscendebatur forte ad has Thermas per eam partem Tabernolae, quae ducebat in Exquilias. De hoc Varro (*Lib. IV. de LL. p. 15.*) *Oppius mons terticeps lucum Exquilinum, dexterior via in Tabernola est.* Ergo & non potuit procul abfuisse ab his Thermis Lucus Exquilinus.

Balneorum usus quotidianus apud Hebraeos, Assyrios, Graecos, aliosque Orientis populos, receptus antiquitus fuisse, in historiis legitur; hinc ad Romanos postea est translatus, propter aeris aestum nimium, unde sudore manantibus, & pulvere conspersis corporibus, frequenti ablutione opus esse, constat.

Valerius Maximus (*Lib. IX. cap. 1. exempl. 1.*) & Macrobius (*Saturn. Lib. II. cap. 11.*) scribunt, Sergium Oratam, hominem voluptarium, etiam pensiles Romae Balneas instituisse. Et Plinius (*Lib. XXXIX. cap. 1.*) tradit, usum Balneorum coepisse L. Aemilio & M. Licinio Coss. An. U. C. DXXXV.

Erant in illis Caldaria, Frigidaria & Tepidaria. Plinius (*Lib. V. epist. 6.*) *Frigidariae cellae connectitur media, cui Sol benignissime praesto est, caldariae magis: prominet enim, tertia a Sole longius, a luce non longius.* Vitruvius (*Lib. V. cap. 10.*) *Abena supra hypocaustum tria sunt componenda, unum caldarium, alterum tepidarium, tertium frigidarium: & ita collocanda, uti ex tepidario in caldarium, quantum aquae caldae exierit, influat de frigidario in tepidarium ad eundem modum.* Excitabatur autem primo sudor in caldaria cella, qui aqua calente abstergebatur; post fotum deinde in tepidaria corpus, tandem in frigidaria sensim ad nativum temperamentum revocabantur loti, qui etiam in unguentaria ungebantur. Hic erant etiam Apodyteria, in quibus Balnea ingressuri vestes deponebant. Idem Plinius (*in Epist. dicta*) *Inde Apodyterium Balnei laxum & hilare excipit cella frigidaria, in qua baptisterium amplum atque opacum.*

Domesticis Balneis usos fuisse cives paullo ditiores, testatur Cicero, Terentiam monens, *ut curet, ne labrum in Balneo desit* (*Lib. XIV. ad Fam. epist. 20.*) Terentius (*Eucl. Act. III. sc. 5. v. 34.*) ubi de Pamphila loquitur.

— — Continuo haec adornant, ut lavet.

Nonnulli postea privati cives, lucri causa, in pluribus Urbis vicis, Balnea exstruxerunt, ubi minimo pretio lavabantur, & refocillabantur quivis illuc advenientes. Martialis (*Lib. II. ep. 14.*)

*Nec Fortunati spernit, nec Balnea Fausti;
Nec Grylli tenebras, AEoliamque Lupi:
Nam Thermis iterum cunctis iterumque lavatur.*

Curatores Balneorum privatorum erant hi, Fortunatus, Gryllus & Faustus.

Postea Imperatores superbiore structura Thermas moliebantur; quippe apud delicatos necessarii usus ratio vertebatur in luxum & lasciviam. Ostendunt hoc Thermae Agrippae sub Augusto, Neronis, Titi, Trajani, Caracallae & Diocletiani, quarum rudera exhibemus in effigiebus operis hujus nostri.

In initio hae Thermae solis Imperatoribus serviebant, & patebant; sed postea etiam aperiebantur cuivis e populo. Quin & Principes ad id dementiae venerant, ut cum populo promiscue lavarentur. Spartianus (*in Hadr. cap. 17.*) *Publice & frequenter cum omnibus lavit.*

Fuerunt etiam Thermae Hiemales. Vopiscus (*in Aureliano cap. 45.*) *Thermas in Transiberina regione Aurelianus facere paravit hiemales, quod aquae frigidioris copia illic deesset.*

Fuerunt haec Balnea interdum mixta, seu communia viris ac feminis; de his Cyprianus (*Lib. de Habit. Virg.*) Christiane haec scribit. *Quid vero, inquit, quae promiscuas Balneas adeunt, quae oculis ad libidinem curiosos pudori & pudicitiae corpora dicata prostituunt, quae cum viros, atque a viris nudae vident turpiter, ac videntur, nonne ipsae illecebram vitii praestant? nonne ad corruptelam & injuriam suam desideria praesentium sollicitant, & irritant.*

Tempus pomeridianum erat his lavationibus tributum, & quidem aestate hora octava, hieme nona, quae apud Italos sunt vigesima tempore aestivo, & vigesima prima hiberno, hoc est, apud veteres Romanos, horis ante Solis occasum tribus, & paullulum ante coenam. Plinius (*Lib. III. epist. 1. de Spurinna*) *Ubi hora, inquit, balnei nuntiata est (est autem hieme nona, aestate octava) in Sole, si caret vento, ambulat nudus. Deinde movetur pile vehementer & diu.* Martialis (*Lib. XI. ep. 53.*)

Oclavam poteris servare, lavabimur una:

Scis quam sint Stephani Balnea juncta mihi.

Lavandi hora indicabatur tintinnabulo, quo ad Thermas vocabantur, qui lavari volebant, ut properarent; non venientibus enim periculum denuntiabatur, ut sola frigida lavarentur, clausis Therminis. Martialis (*Lib. XIV. ep. 163.*)

Redde pilam: sonat aes Thermanum: ludere pergis?

Virgine vis sola lotus abire domum?

Ad hos usus adhibebantur aenei, aut ferrei strigiles, ad fricandum & purgandum corpus; ampullae item, & gutti ad guttatim perfundendum corpus lotum oleo, & unguentis bene olentibus. Juvenalis (*Sat. III. v. 263.*)

— — & sonat (domus) micis

Strigilibus, & pleno componit lintea gutto.

Delicatiores enim hic variis frictionibus & expolitionibus corporum indulgebant; unde illud Lucillii.

Rador, subvellor, desquamor, pumicor, ornor,

Depilor, & pingor.

Loturi sedebant in foliis perforatis, qui marmorei erant in Thermis magnificentissimis. Martialis (*Lib. II. ep. 70.*)

Non vis in folio prius lavari

Quemquam, Coile.

Martialis etiam tradit, linteis usos fuisse Veteres in abstergendis corporibus. (*Lib. XII. epigr. 71.*)

Lintea ferret Apro vacuus cum vermula nuper,

Et supra togulam lusca federet anus.

Anui enim huic servandae vestes fuerant datae.

Post lotionem loti iterum in lectum reponebantur. Terentius (*Eunuch. Act. III. sc. 5. v. 44.*)

— — Accersitur lavatum interea virgo:

It, lavit, redit, deinde eam in lectum illae collocarunt.

AEdilibus in Municipiis quibusdam demandata erat cura Balnearum publicorum, qui ipsi quandoque municipibus praestabant, ut gratuito lavarentur. Alfenus (*in l. qui lusulam. 30. §. 1. ff. locati*) AEdilis, inquit, in municipio Balneas conduxerat, ut eo anno municipes gratis lavarentur: post tres menses incendio facto, respondit, posse agi cum balneatore. Arcadius Charisius (*l. ult. 18. ff. de muner. & honor. §. 5. cura quoque.*) docet; Curatores publice factos, qui Balnea publica calefieri curabant, quibus ex publico ad hunc usum pecunia dabatur. Inter personalia, ait, munera in quibusdam civitatibus numeratur & calefactio publica Balnei, si ex redditibus alicujus civitatis curatori pecunia subministretur. Est etiam memorabilis lex Imperatorum, Arcadii & Honorii, super Balneis civitatum (*l. Ne splendidissimae. 11. C. de operibus publ.*) *Ne splendidissimae urbes vel oppida vetustate labantur, de redditibus fundorum juris Reipublicae tertiam partem reparationi publicorum moenium & Thermanum restitutioni deputamus.*



T H E R M A E D I O C L E T I A N I.

THERMAE DIOCLETIANI vastae in monte Quirinali sese produnt. Harum partem occupavit hodie Carthusianorum amplum Monasterium, eorundemque Templum, ingens satis. Templum vero D. Bernhardi rotundum, nec valde magnum, Calidaria Diocletiani pro parte obtinuit. Reliqua Thermarum vel ruinis jacent obruta, vel minantur eas. Olim hae Thermae Urbis paene speciem referebant, complexae ambitu spatiosissimo, hinc *Fontem Terminorum* dictum, & granaria publica; inde villam Peretam, multosque hortos, vineasque.

Exstruere coeperunt has Thermas Diocletianus & Maximianus Imperatores. Dicuntur autem XL millia Christianorum, in iis aedificandis, serviles operas praestitisse. (Cardinalis Baronius *Ann. Tom. II. ad ann. C. ccxcviii.*) Inchoatas autem a prioribus Principibus, Successores eorum Constantius & Maximianus dedicarunt, exornaruntque nominibus propriis, primorumque Conditorum statuis in iis erectis. Docet hoc marmoris illic effossi Titulus sequens.

THERMAS. DIOCLETIANAS
A VETERIBVS. PRINCIPIB
I NSTITVTAS. OMN

Item.

D. D. NN. DIOCLETIANVS. ET
MAXIMIANVS. INVICTI. SENIORES
AVGVSTI. PATRES. IMPERATORVM. ET
CAESARVM. CONSTANTIVS. ET. MAXIMIA
NVS. INVICTI. AVGG. ET. SEVERVS. ET. MAXI
MIANVS. NOBILISS. CAESARES. THERMAS
FELICES. DIOCLETIANI. AVG. FRATRIS. SVI
NOMINE. CONSECRAV. COEPTIS. AEDI
FICIIS. PRO. TANTI. OPERIS. MAGNITV
DINE. OMNI. CVLTV. PERFECTAS
ROMANIS. SVIS. DEDICAV

Huc quoque pertinet alterius marmoris Inscriptio, quae sequitur.

CONSTANTIVS. ET. MAXIMIANVS
INVICTI. AVGG.
SEVERVS. ET. MAXIMIANVS
CAESS
THERMAS. ORNAVER. ET
ROMANIS. SVIS. DEDICAV

In iisdem Thermis Diocletiani legebantur hae Inscriptiones.

D. D. N. N. C. AVREL. VALER. DIOCLETIANVS. ET. M. AVREL. VALER. MAXIMIANVS
INVICTI. SENIORES. AVGG. PATRES. IMPP. ET. CAES. P. P.....

D. D. N. N. FL. VALER. CONSTANTIVS. ET. GALER. VALER. MAXIMINVS
NOBILISSIMI. CAESARES. FF.....

THERMAS. FELICES. DIOCLETIANO. COEPTAS. AEDIFICIIS. PRO. TANTI. OPERIS
MAGNITVDINE. OMNI. CVLTV. IAM. PERFECTAS. NYMINI. EIVS. CONSECRARVNT

Balnea autem & Thermae, quam infano sumptu exstruerentur, docet Seneca (*Epist. 86.*) his verbis.
At nunc quis est, qui sic lavari sustineat. Pauper sibi videtur, ac sordidus, nisi parietes magnis & pretiosis orbibus resulserunt, nisi Alexandrina marmora Numidicis cruellis distincta; nisi illis undique opera
Tom. II. *rosa,*

rosa, & in picturae modum variata circumlittio praetextitur; nisi vitro absconditur camera; nisi Thebasus lapis, quondam rarum in aliquo spectaculum templo, piscinas nostras circumdedit, in quas multa sudatione corpora exinamita demittimus; nisi aquam argentea epistomia fuderunt: & adhuc plebejas fistulas loquor. Quid cum ad balnea libertinorum pervenero? quantum statuarum, quantum colummarum est, nihil sustinentium, sed in ornamentum positurum, impensae causa? quantum aquarum per gradus cum fragore labentium? Eo deliciarum pervenimus, ut nisi gemmas calcare velimus. De his Ammianus Marcellinus (Lib. XVI. cap. 6.) Lavacra in modum provinciarum exstructa.

Fuerunt in his Thermis plusquam tria millia foliorum, sellarumque in usum lavantium, altissimi item fornices; hemisphaeria, camerationes, testudines, porticus, subdiales arcae laetissimae, aliaque admirabilia, ut videre est in Molis totius ichnographia. Hodie autem in locum harum Thermarum successerunt horti multi, horrea publica, duo coenobia, vineta & plateae amplissimae.


Fatetur etiam Montefauconius, harum Thermarum immane fuisse spatium. In medio camerae praegrandes in Ecclesiae formam, Michaële Angelo Bonarota artifice, actae sunt, & in crucis Graecae morem concinnatae. Columnarum hic olim magna vis fuit; ad ducentas olim exportatas, alii-que adnotas aedificiis, narrabat Carthusiae prior; eae solum relictae, quas amoliri, gravitatis causa, non licuit, suntque octo numero, aliae aliis densiores, sublimioresque.


In has Thermas translata leguntur varia exercitationum genera, urbanaeque deliciae, ludi, ambula-cra, scholae & colymbethrae. Fuit etiam in his Thermis Bibliotheca Ulpia, in qua libri lintei atque elephantini, Principum continentes gesta & Senatusconsulta. De ea Vopiscus scribit in vita Probi (cap. 1.) *Usus sum praecipue libris ex Bibliotheca Ulpia, aetate mea Thermis Diocletiani.* Et alio in loco, in Taciti vita (cap. 8.) *Bibliotheca Ulpia elephantini pugillares, in sexto armario sita.*

Thermae hae vocantur *Diocletianae* & *Maximianae* vero nomine, etsi dici quoque possunt *Constantinianae*, vel rectius *Constantianae*, eo quod Constantius Imp. postea exornavit illas. Maximianus vero re-versus ex Africa aedificavit eas in honorem Diocletiani, An. Sal. ccxcviii, & alias item sibi Carthagini in Africa. Nam quum defessus esset occidendis militibus Christianis, damnavit eos ad hoc opus facien-dum, consumpsitque in eo absolvendo totum septennium. Testantur hoc Acta D. Marcelli a Surio (26. Se-ptemb.) & Baronius (loco superius citato) ubi haec leguntur: *Tempore illo, quo Maximianus ex Africae partibus rediit Romam, volens placere Diocletiano Augusto, ut in nomine ejus Thermas aedificaret, coepit, ob invidiam Christianorum, omnes milites, sive Romanos, sive alterius generis, ad afflictionem laboris com-pellere, & per varia loca alios ad lapides, alios ad arenam fodiendam damnare.* Et Eusebius (in Chroni-cis.) *Hoc anno, inquit, xv. imperii Diocletiani, Thermae Diocletiani Romae factae; & Maximiani Cartha-gine.* Postea Constantius, Pater Constantini Magni, & ejus Collegae Imperii, dedicarunt has Thermas Diocletiani, ut liquet ex Inscriptionibus supra adscriptis, ex Panvinio in Fastis. *Constantius & Maxi-mianus invicti Augusti &c.* Exinde igitur hae *Thermae* sunt appellatae *Constantianae*, non *Constantinianae*. Erant enim Romae & aliae *Thermae Constantinianae*, quarum Ammianus meminit (Lib. XXVII. cap. 2.)

Has Thermas, sanctorum martyrum manibus exstructas, magis integris religio servavit nobis, eversis aliis, ut pie eruditeque observavit Baronius, earumque muri superstitres conversi sunt in Ecclesiam S. Mariae Virginis, Dominae Angelorum, consecrante hanc AEdem Pio IV. Pontifice Maximo, tot jam ante seculis Sanctorum sudore ac sanguine consecratam.

Tres exhibemus harum Thermarum Icones.







T H E R M A E

A G R I P P A E.



THERMIS AGRIPPAE plerique, & recte, adjudicant partem magnam *Caldarii* sphaericam, quae etiam nunc superest, haud ita longe a Pantheo, ubi *Arcus* fuit, dictus *Ciambellae*. In *Ruso* legimus. . . *M. Agrippae*. Sed hic excidit probabiliter vox *Pantheon*. Sequitur mox, *Horti & Thermae Agrippae*, quod non leve vicinitatis praebet argumentum.

Fuerunt autem, inter *Ostaviae Porticum & Pantheon*, ubi adhuc harum *Thermarum* exstant vestigia. De his ita scribit *Plinius* (*Lib. XXXVI. cap. 25. in calce*) *Litrostrata coeptavere jam sub Silla, parvulis certe crustis, exstat hodieque, quod in Fortinae delubro Praeneste fecit. Pulsa deinde ex humo pavimenta in cameris transiere ex vitro: novitium & hoc inventum. Agrippa certe in Thermis, quas Romae fecit, figillum opus evanisco pinxit. In reliquis albaria adornavit: non dubie vitreas facturus cameras, si prius inventum id fuisset, aut a parietibus scenae, ut diximus, Scauri pervenisset in cameris. Idem Auctor (*Lib. XXXV. cap. 4.*) *M. Agrippa, vir rusticitati quam deliciis propior, &c. Verum illa torvitas duas tabulas Ajacis & Veneris mercata est a Cizyrenis XII. pondo. In Thermarum quoque calidissima parte marmoribus insculperat parvas tabellas, paulo ante quam rescicerentur sublatae. Plinius certe (ibidem) Thermas has inter praecipua Urbis ornamenta numerat. Et testatur Fabricius, frustula vitrea eo in loco effodi: nam habuerunt arcus & pavimenta ex vitro, quod & Plinium testari vidimus. Idem auctor Fabricius scribit, sua aetate sedilia & ordines scamnorum adhuc apparuisse, & sitas fuisse inter Templum *S. Mariae Rotundae, & S. Mariae supra Minervam*. De his loquitur *Martialis* (*Lib. III. epig. 36.*)**

*Lassus ut in thermas decima, vel serius hora
Te sequar Agrippae.*

Ante has Thermas stetit *Apoxyomeni* signum, quod *Tiberius*, clamoribus populi reposcentis reponere est coactus, quum id, alio substituto signo, in cubiculum suum transtulisset. *Plinius* (*Lib. XXXIV. cap. 8.*) *Inter quas (statuas) distringentem se a Lyfippo factum ante thermas dicavit, mire gratum Tiberio Principi. Qui non quivit temperare sibi in eo, quamquam imperiosus sui, inter initia Principatus, transtulitque in cubiculum, alio ibi signo substituto, eumque clamoribus populi reposcentis reposuit.*

Itaque quod ad situm harum *Thermarum* attinet, fuere in Campo, aut finibus Campi utriusque, prope Pantheon. *Dion* (*Lib. LIII. prope finem*) *Agrippa vaporarium Laconicum fecit. Laconicum autem vocatur id genus balnei, quoniam hic tum nudari corpora, tum inungi oleo praecipue videbantur. Idem (Lib. LIII.) Moriens Agrippa populo hortos, & balneum a se denominatum legavit.*

In schedis *Flaminii Vaccae* legitur haec observatio. *Ædes, inquit, quas incolo, structae sunt ad Thermas Agrippae. Ibi quum cellam vinariam adornarem, incidi in struem, canalibus bene multis, qui lateritiis ex tabulis confecti erant, perforatam. Hi haud dubie deducendae in hypocausta aquae calidae usui erant. Subtus reperi pavementum, olim permeandis subterraneis huiusmodi ab antiquis usurpatum, tabellis marmoreis ab utroque latere vestitum, subiectumque pavementum firmissime structum, pilis bene multis solum erat. Inter binas autem pilas ignis olim supponebatur, ibidemque in cineres & carbones incidimus. Vacuum item grande inveni, vestitum plumbeis laminis, quae clavis aeneis fixae erant, columnas item ex Granito marmore mediocris altitudinis deprebendi. Operae pretium me facturum arbitror, si, quae ad hunc *Flaminii Vaccae* locum adnotavit *Montefauconius*, non omittam. Insignia de *Thermis Agrippae* nobis hic aperit *Flaminius*, sive *Hypocaustum* describit, quale a *Dione* atque *Plinio* recensetur, uti jam diximus. *Flaminius* igitur istius Vaporarii *Laconici* formam exprimit, quum ait, pavementum firmissimum pilis sustentatum fuisse, ita ut inter pilas huiusmodi pavimento & hypocausto calefaciendo ignis subjiiceretur: id autem Vaporarium, perinde atque *Plinius* marmoribus vestitum narret.*


Tom. II.

D d

Ad

Ad has Thermas suas magis ornandas, Agrippa addiderat *Stagnum*, atque *Euripum*, cum *parva Silva*, inter utrumque media. Poluit autem in hac silva Statuam, Lylippi manu elaboratam, & repraesentantem *Leonem cadentem*; ut refert Strabo (*Lib. XIII.*) Ne autem huic orto, thermis, stagnoque deessent undae salientes, *Ramum Aquae Virginis* illuc transtulit Agrippa.

Dubitari autem potest; an ad eandem Thermas & Pantheon fuerit *Campus Agrippae*; an potius ad *Porticum Vipsaniam*, & *Fontem Aquae Virginis*. *Campum autem Agrippae*, teste Dione (*Lib. LV.*) *Porticum excepta*, ac *Diribitorium* ipse Augustus dedicavit, *sive publici juris fecit*. Et haec quidem Agrippae sunt Monumenta. Nero autem, quum deliciis loci invitaretur, non raro ibi convivatus est splendide, Tacito id referente, (*Ann. XV. cap. 37. §. 2.*) qui tamen Nero, *Solatium populo exturbato, & profugo Campum Martis, ac Monumenta Agrippae, hortos quin etiam suos*, eodem teste Tacito (*Ann. XV. cap. 39.*) patefecit.



T H E R M A E

A N T O N I N I A N A E.



ANTONINIANAE THERMAE sunt in Regione XII. testibus Panvinio & Pancirollo. De his Eutropius ait (*Lib. VIII. sub finem.*) *Opus egregium fecit Lavacri, quae Antoninianae appellantur.* Lampridius scribit; has Antoninum Thermas inchoasse, Severum absoluisse, multumque exornasse, in Alexandro (*cap. 25.*)

Hae Thermae Antoninianae fuere omnium, quae Romae erant nobilissimae, sitae inter montes Coelium & Aventinum. De his loquitur Spartianus, in Severo (*cap. 21.*) *Vixit diu in odio populi Antoninus, quamvis & vestimenta populo dederit, unde Caracalla est dictus, & Thermas magnificentissimas fecerit.* Idem in Caracalla (*cap. 9.*) *Opera Romae reliquit (Caracalla) Thermas nominis sui eximias, quarum cellam solearem Architecti negant posse ulla imitatione, qua facta est, fieri. Nam & ex aere, vel cupro cancelli superpositi esse dicuntur, quibus cameratio tota concedita est, & tantum est spatii, ut id ipsum fieri negent potuisse docti Mechanici.* Idem *viam novam munivit, quae est sub ejus Thermis (Antoninianis scilicet) qua pulcrius inter Romanas plateas non facile quidquam invenias.* Hanc ergo Spartianus fuisse testatur inter plateas Romanas pulcherrimam, camque necessariam est, uti Forum aliquod, cinctam fuisse columnationibus & porticibus. Aurelius Victor (*de Caesaribus.*) *Per cum (Caracallam) aucta Urbs magno accessu viae novae, & ad lavandum absoluta opera pulchri cultus.* Et Olympiodorus: *Habebant in usum lavantium sellas mille sexcentas, & polito marmore factas.* In his fuerunt etiam duae sellae istae, quae hodie conspiciuntur in Templo Lateranensi, ut vult Nardinus. Sed Borrichius asserit; fuisse haec forsitan sedilia Poppeae parturientis; quia sunt fundo pertuso, instituto obstetricibus laudato. Nardini sententiam nihilominus confirmat Montefauconius; quia Martinellus, jam ante Nardinum, hoc existimaverit, Olympiodorum secutus: has nempe sellas Lateranenses perforatas, nec non aliam similem, in monte Cassino, & si quae id genus sunt, fuisse Thermis deputatas.

Vel in ipsis harumce Thermarum ruinis specimen praeteritae magnificentiae compareret. Sunt enim peramplae. Ferunt spatium Thermarum interius septingentorum cubitorum longitudine fuisse. Sub Thermis, in declivi versus viam Appiam, longa series camerarum, seu tabernarum visitur, quas Montefauconius existimat esse latus Viae Novae, a Caracalla munitae: nam situs apprimè consentit cum supra adductis Spartiani verbis. De his Thermis Eusebius testatur quoque, tam amplas & spatiosas fuisse eas, ut illic invenirentur cubicula infinita, marmoreis crustis singula ornatiores, quorum januae & cancelli fuerunt operis aenei, sed deaurati.

Itaque in hac Regione XII. his Thermis nihil par fuit, in operibus Romanae elegantiae, quas sitas fuisse animadvertimus, in latere Aventini, via Ardeatina, & ab Oriente habuisse templum SS. Nerei & Achillei, a Septemtrionibus S. Priscae, prope viam S. Balbinae, e regione S. Sixti.

Fuerunt autem omnium Thermarum Romanarum magnificentissimae, ita ut comparari cum iis nequiverint ne quidem Diocletiani lavacra, utcumque tot millium Christianorum sudore erecta; sed marmora illine sunt ablata, & lacerae omni cultu, minitantesque parietinarum ruinae. Videntur hic tamen muri celsi ex latere coctili, cum fornicibus altissimis, pavimentis tessellatis albi nigrique coloris, vestigiisque canalium, quibus in diversos alveos aqua distribuebatur: conclavia item non unius structurae & ampla; atque in locis quibusdam aqua profunda, quae superfuit ex Ductu Appiae, obruto & foedato.


Porticus his Thermis addere instituit Elagabalus, sed eas Alexander Severus perfecit. Lampridius, in Elagabalo (*cap. 17.*) *Et lavacrum, quod Antoninus Caracalla dedicaverat, & lavando, & populum admittendo, sed porticus defecerant, quae postea ob hoc sub dicto Antonino exstruendae sunt, & ab Alexandro perfectae.* Idem, in Alexandro (*cap. 25.*) *Antonini Caracallae Thermas additis porticibus perfecit, & ornavit.*

Eusebius & Cassiodorus in Chronicis volunt Antoninum Caracallam fecisse has Anno Imperii quarto, quas, ut diximus, Elagabalus ornatiores reddidit, Alexander perfecit, & ornavit. Serlius autem Architectus, qui ex parietinis superstitibus descripsit earum ichnographiam, asserit, dimensionibus parium & symmetria esse omnium, quae exstant, pulcherrimas. Nam & in iis multo major videbatur ambitus, quam quidem reliquiae earum stantes demonstrant.


Quoniam vero praecelsi e laterculo parietes magnam in his locorum amplitudinem includunt, proinde Paulus V. Pontif. Max. Thermas has dedit Patribus Soc. Jesu, Seminarii Romani, qui hunc locum destinarunt ludicrae recreationi tironum, horis feriatis.


Septem exhibemus harum Thermarum Icones.

















T H E R M A E

N E R O N I S & A L E X A N D R I .



HERMAS NERO, operis eximii, exstruxerat suas in Campo Martio, quarum fornices & arcus altissimi exstant, prope S. Eustachium. Martialis (*Lib. VII. epigr. 34.*)

— — — *Quid Nerone pejus?*
Quid Thermis melius Neronianis?

Et Statius, laudans Balneum Etrusci (*Lib. I. Carm. 5. v. 61.*)

— — — *fas sit componere magnis*
Parva, Neronica nec qui modo lotus in unda
Hic iterum sudare neget, &c.


Eusebius testatur (*in Chronico.*) *Ædificatas has fuisse a Nerone, anno imperii nono, Neronianasque appellatas. Thermae tamen Neronianae, ut voluit Victor, postea dictae sunt Alexandrinae. Calliodorus (in Chronico) Thermae a Nerone aedificatae, quas Neronianas appellavit; cujus odio, mutato vocabulo, nunc Alexandrinae nominantur.* Eusebius tamen, in eodem *Chronico* refert: *novas ab Alexandro excitatas, anno imperii quinto.* Et Lampridius (*cap. 25.*) *Opera veterum Principum instauravit, ipse nova multa instituit. In his thermas nominis sui, juxta eas, quae Neronianae fuerunt, aqua inducta, quae Alexandrina nunc dicitur. Nemus Thermis suis de privatis aedibus suis, quas emerat, dirutis aedificiis, fecit.* Fuit igitur Alexander instaurator Veterum operum, qui *Neronis Thermas* restituit, atque ornavit; novaeque praeterea aedificavit ipse. Et fortasse non parum audacter quis dixerit, quum Neronianis Thermis Alexandrinae fuerint proximae, utraque fortasse *Alexandrinæ* fuisse dictas; eo quod in novos Principes prona semper est adulatio. Huc facit, quod Alexander Thermis Neronianis addidit lucos & silvas: qui etiam non his tantummodo, sed & aliis thermis lumina praebuit, ut per noctem usui quoque essent. Lampridius (*cap. 24.*) *Artium vestigal pulcherrimum instituit: ex eoque jussit thermas, & quas ipse fundaverat, & superiores, populi usibus exhiberi: silvas etiam in thermis publicis depulavit. Addidit & oleum luminibus thermarum, cum antea non ante auroram paterent, & ante Solis occasum clauderentur.* Ante Alexandrum tamen & ipse Nero legitur, thermis oleum praebuisse. Suetonius (*Neron. cap. 12.*) *Nero, dedicatis thermis, atque gymnasio, Senatui quoque & Equiti oleum praebuit.* Caesar autem Tacitus, Vopisco teste (*in ejus vita, cap. 10.*) *denuo thermas omnes ante lucernam claudi jussit, ne quid per noctem seditionis oriretur.*

Magnificentiam & luxum Thermarum Neronis & Alexandri testantur statuae quamplurimae, illic repertae, cum columnis & operibus anaglyphis, qualia multa hic sunt inventa, in eruendis fundamentis Palatii Justinianorum, quod superstructum est parti euidam harum thermarum. Etenim hoc Palatium tam abundanter repletum est monumentis splendoris antiqui, repertis in his locis, ut in nullo alio reperiantur plura. Igitur minime falso Seneca legitur, reprehendisse luxum temporum suorum, in balneis, in Epistola LXXXVI: cujus verba jam descriplimus supra, in explicatione Thermarum Diocletiani.

Alexander fertur quoque addidisse omnibus Urbis Regionibus, quae forte non habebant, balnea nova. Lampridius (*cap. 29.*) *Nam & hodie multa dicuntur Alexandri.* Quam vero frequenter Veteres usi sint balneis, Commodi probat exemplum, qui legitur septies de die lavisse, & in balneis saepius comedis, prout idem scripsit Lampridius.

Latissime autem patuerunt hae Thermae Neronis & Alexandri, teste Marliano, nimirum a Sancto Eustachio, ad domum Gregorii Narniensis, in cujus cella vinaria vidisse se Marlianus testatur, uti & in domibus adiacentibus Thermis Neronis versus Septentriones, pavimenta antiqua, & fistulas plumbeas, puteumque, quem exsiccare nulla ratione poterant. Et existimavit Marlianus, hunc esse

ductum Aquae, quam *Alexandrinam* vocat Lampridius. Palatium autem Gregorii Narnienſis ſitum fuit prope Arcam Navonam, proxime Eccleſiam S. Jacobi in Thermiſ, quae nunc dicitur S. Salvatoris. Apparent quoque harum Thermarum veſtigia, prope Templum S. Ludovici, gentis Gallicae, in aedibus Mediceis ad circum Alexandri ejuſdem, in cujus vicinia fuerunt Thermae Neronis & Alexandri. Occupabant igitur hae Thermae quidquid erat ſpatii, inter Pantheon & plateam Navonam, quo in loco nunc viſuntur Palatia Juſtinianorum, Magnique Ducis Hetruſiae, pars item Templi S. Ludovici, & Eccleſiae S. Salvatoris.



B A L N E A

P A V L L I



ALNEA isthaec creduntur fuisse in Clivo Quirinali, ubi monasterium nunc est, quod Romanis corrupte dicitur *Bagnana Poli*, quasi dicas, *Balnea Paulli*. Juvenalis (*Sat. VII. 211.*)

— — aut horas noverit omnes
Tanquam ungues, digitosque suos, ut forte rogatus
Dum petit aut thermas, aut Pauli Balnea, dicat
Nutricem Anchisae.

Notant tamen Docti, in quibusdam MSS. Codicibus hic legi *Pboebi*. Judicent haec alii. Fabricius vero testatur, se hoc in loco vidisse in lapide projecto formam *strigilis* & *ampullae* exsculptam. *Strigilis* usus erat ad fricandum, purgandumque; *ampullis* utebantur ad ablundas aquae infusione fordes. Hoc autem tempore strigilum loco utuntur balneatores Itali *cbirothecis*, ex serico factis, ad abstergendum sudorem.


Quis vero sit ille *Paullus*, controvertitur. Quidam existimant, esse *AEmilium Paullum*, qui Basilicam in Foro exstruxit. Alii vero eum *Paullum* esse suspicantur, qui Romae *Porticum* construxerat, de quo Dion loquitur (*Lib. XLIX. prope finem.*) *Porticum, quae Paulli dicitur, AEmilius Lepidus Paullus propriis impensis perfecit, & in Consulatu suo dedicavit.* Qui autem viderit aedificium arcuatum curvatis in hemicyclum, & lateritiis pilis; porro erectum parietibus continuatis, de balnearum conditore nihil certi statuet. Nobiscum certe censet Franciscus Gualdus, Ariminensis, Eques S. Stephani, qui vicinam domum celebri ornavit museo, studiosus rei antiquariae.

Creduntur vero *Balnea Pauli* fuisse, ubi *Palatium* aedificatum est a nobili familia Romana, *Comitum*. Est enim is ferme mos Nobilium Romanorum, ut sibi extruendorum Palatiorum loca legant, in rudinibus antiquis aedificiorum collapsorum, vel dirutorum.

Monasterium *S. Catharinae Senensis* nunc est situm in una parte horum balnearum. Partem inferiorem invasit *Palatium*, olim *Comitum*, nunc *Grillorum*, ut vult Nardinus. In aedibus vero *Rubertorum* sub monasterio, teste eodem, conspicitur etiamnunc *Porticus subterranea*, cum columnis e latere coelo, in theatri speciem incurva, quo in loco arbitrantur Antiquarii fuisse *partem Balnearum*. Donatus tamen hunc *hemicyclum* aliud quoddam fuisse aedificium autumat. Nardinus autem hucusque non pervenisse censet *Balnea Paulli*, quae parva forte fuerunt: aut veluti in re dubia, aedificium hoc additum fuisse credit *Paulli balneis* ad usus alios, quam lavandi; qualia multa thermis addi solebant.

Supra Forum Trajani, in clivo Montis Quirinalis primo occurrit *Turris militiarum*. *Milites Trajani*, quorum illic olim fuit statio, loco huic dedere nomen. Exstant ibidem, aliquanto tamen inferius, fornices concameratione triplici, & crypto-porticus, in forma hemicycli, reddentes a fronte theatralem cavcam.

In descensu Clivi, qui ad Viminalem ducit, a dextra, ut scribit Marlianus, ante annos aliquot fuit Sacellum, variorum piscium, concharumque marinarum pictura nobili ornatum. Et haec indicia ostendere putat, locum hunc Neptuno fuisse sacrum.



F O N S

ANTIQUVS, IN FORO ROMANO.




ABRVM FONTIS hujus, excisum ex uno lapide marmoris Graniti, repertum fuit, ut aliqui tradunt, quum terra cgereretur, e fundamentis aedis *S. Lucae & Martinae*, in Foro Romano, quae olim *Martis* fuit *Templum*, prout nos docet distichon antiquum, quondam inscriptum portae Ecclesiae veteris.

*Martyrii gestans virgo Martina coronam,
Ejecto hinc Martis numine, templa tenet.*

Quidam referunt, quum *Marforii statua* ex eo, ubi inventa fuit, loco transferretur in Capitolium, tunc quoque repertum fuisse Labrum hoc ingens. Nardinus ergo putat, hanc imaginem Marforii stetitisse, in angulo Fori Magni, contra carcerem, in prospectu Lacus Servilii, atque interfuisse usibus Labri hujus; quia fieri non potuerit, ut haec, ceu Rheni Fluminis statua, subjacuerit pedibus Equi Domitiani. Hanc autem statuam Marforii constat, diu jacuisse neglectam humi, in platea vulgo dicta *salina di Marforio*, post Capitolium.

Hoc Labro usi sunt Romani, in restaurando Fonte, qui visitur in Foro Romano, prope rudera Templi Jovis Statoris, ad armentorum & pecorum commodum, & sitim restinguendam, quorum hic frequens est transitus, & mercatus ingens. Patet hoc legentibus Titulum sequentem.

SENATVS. POPVLVSQVE. ROMANVS.
PVBLICO. NEGOTIANTIVM.
BOARIORVM. VSVI. FORIQUE.
COMMODITATI.
cIo. cL xciiL
FABRITIO. BVCCAPADVLIO. I. C.
CAMILLO. PLANCA. CORONATO. CONS.
PROSPERO. IACOBATIO. DE. FACHESCHIS.
LAVRENTIO. ALTERIO. PRIORE.



A Q V A

C L A V D I A

Rimis Urbis Conditae temporibus, per annos cccxli. omnis alius usus aquarum fuit incognitus, auctore Frontino, praeterquam quas vel Tiberis, vel putei, vel fontes suggerebant, uti & Rivus Aquae Mercurii, Lacus Juturnae, Fons Pici & Fauni, alique minores. Postea vero, crescente luxuria & opibus, subterraneis cuniculis, aut opere arcuato magnam aquarum copiam invexere, non modo ut Fontibus abundaret civitas; sed etiam ut Balneis & Navalibus Ludis copia aquarum ingens suppeteret. Maxime vero insuebant hae Aquae prope Portam Naeviam, Viminalem, Latinam & Janiculensem.

Horum operum moliumque magnitudinem ostendit Dionysius Halicarnassicus (*Lib. III. cap. 91.*) *Mibi sane, ait, magnificentissimae videntur, ex quibus maxime apparet amplitudo Romani imperii, aquaeductus, viae stratae, cloacae.* Et haec illa tria sunt, quae mirantur Strabo (*Lib. V. in descript. Urbis Romae*) & Calpurnius. Hujus verba sunt (*Lib. VII. Var. Epist. 6.*) *In formis autem Romanis utrumque praecipuum est, ut fabrica sit mirabilis, & aquarum salubritas singularis: Quod enim illuc flumina quasi constructis montibus perducuntur, naturales credas alveos, soliditates saxorum; quando tantus impetus fluminis tot secutis firmiter potuit sustineri.*

Fiebant vero Aquaeductus ratione non una. Interdum enim Arcus molium maximarum surgebant ad altitudinem cxlv. palmorum Romanorum, ab imo fundi solo. Interdum per cuniculos subterraneos longe infra terram ducebantur; prout situs & soli ratio exigebat.

Magnam certe Aquarum vim investam fuisse moenibus Romanis docet Plinius (*Lib. XXXVI. sub fin. cap. 15.*) *Quod si quis, inquit, diligentius aestimaverit aquarum abundantiam in publico, balneis, piscinis, domibus, curiis, hortis, suburbanis villis, spatioque advenientis arcus exstructos, montes per se ipsos, corvales aequatas, fatebitur, nihil magis mirandum fuisse in toto orbe terrarum.*

Testatur Frontinus (*de Aquaeduct.*) Aquaeductus prope Urbem, a sexto, nempe, milliario, plures Aquas singulos sustinuisse. Horum autem fuisse quatuordecim indicat Procopius (*Belli Goth. Lib. I. cap. 16.*) *Romae, inquit, aquaeductus decem & quatuor numero sunt, cocto ex lapide per praefatos homines aedificati, ea latitudine ac simul profunditate, ut equester vir aliquis cum equo per eos superne exadere liberius queat.* Hos autem Belisarius, ne Gothi per eos Urbem invaderent, aedificiis complexus munivit, ac sepiit.

Ex his omnibus tres duntaxat Romae superflites cernuntur Aquaeductus.

I. *Aquae Virginis*, quam instauravit Pius IV. Pont. Max.

II. *Aquae Felicitis*, a Sixto V. Romam perductae.

III. *Aquae Subatinae*, sive *Alfentinae*, restauratae per Paulum V.

Claudiam Aquam (de qua hic loquimur) C. Caligula, inchoatis binis ductibus, a Claudio perfectis, perduxit Romam per millia passuum xlvj, opere subterraneo & arcuato, una cum Aniene novo. Auctor Plinius (*Lib. XXXVI. cap. 15. sub finem*) *A lapide quadagesimo (xxxviii. juxta Frontinum) ad eam excelsum, ut in omnes Urbis montes levarentur, influxere Curtius, atque Caeruleus fontes. Erogata in id opus fessertium ter millies (hoc est, 1875000 florenorum) Suetonius (Claud. cap. 20.) Opera magna potius, quam necessaria quamvis perfecit, sed vel praecipua aquaeductum a Cajo inchoatum.* Et postea (*cod. cap.*) *Claudius aquae gelidos atque uberes fontes, quorum alteri Caeruleo, alteri Curtio, & alteri Albulino nomen est, simulque rivum Anienis, novo & lapideo opere, in Urbem perduxit, divisique in plurimos & ornatissimos lacus.* Ductus Anienis efficiebat passuum lviii. millia dcc. opere altissimo, quae arcuatim attollebatur.

Cajus Caesar enim, quum cognosceret, non sufficere vii. ductus aquarum civium usibus, & voluptatibus publicis, secundo imperii sui anno extruxit duos alios Aquaeductus. Hoc autem opus, ut vidimus, magnificentissime absolvit, perfecit, dedicavitque Claudius. Huic vero *Claudiae Aquae* nomen fuit datum, quae ex fontibus Caeruleo & Curtio ducebatur, quae bonitate proxima erat *Martiae*. Di-

Etus hic *Anio novus*, ad *Veteris* discrimen, quem M. Curius & L. Papirius Curfor Censores in Urbem deducendum curarunt, teste Plinio (*Lib. III. cap. 5. & 12.*) Frontinus (*Lib. I. sub initium*) *Post annos XL. quam Appia perducta est, anno ab Urbe condita CCCCLXXXIX. M. Curius Dentatus, qui Censuram cum L. Papirio gessit, Anienis, qui nunc dicitur Vetus, aquam perducendam in Urbem ex manubiis de Pyrrho captis curavit.* Hi duo rivi Anienis ex ejusdem nominis flumine in Urbem sunt corrivati: vetus tamen humilior, quia propior Urbi. At Claudia, quae secundum obtinebat locum altitudinis, post Anienem, arcubus finitis post hortos Pallantinos (hi autem erant ad S. Eusebium, in colle Exquilino) fistulis cum Aniene novo distribuebatur per Urbem hinc inde. Id vero antequam fieret, partem Aquae suae transferrebat in montem Coelium, ad Portam, quae nunc vocatur *Major*.

De hoc Aquaeductu intelligenda sunt haec Suetonii verba (*cap. 21.*) *Caligula, inquit, inchoavit Aquaeductum in regione Tiburti, & amphitheatrum juxta Septa: quorum alterum a successore ejus Claudio peractum, omissum alterum est.* Hic Aquaeductus, ut primum intra Urbem pervenit, Portae obijciebatur Naeviae; ut autem liber ad eam esset aditus, in eodem ductu altera e marmore exstructa est Porta.

Ex dictis discimus, triplici nomine notam fuisse *Aquam Claudiam*. Dicebatur quippe *Albudina*, *Curtia*, & *Caerulea*. His demum accessit quantum *Herculana*, quum *Herculeus rivus*, supra Anienem novum conceptus, & natura purissimus, amissa splendoris sui gratia in Urbe jungeretur Aquae Martiae & Coelium irrigaret Montem.

Concipiebatur autem *Aqua Claudia* Sublacensi via ad milliarium xxxviii. diverticulo sinistrorsum intra passus ccc. aquarum suarum maximam copiam hauriens, ex quatuor fontibus amplissimis & speciosis, Caeruleo, Curtio, Albudino & rivo Herculeo. Frontinus porro, a Plinio dissentiens, initium Aquaeductus numerat a lapide xxxviii. Plinius vero a lapide XL. Hi auctores ita sunt conciliandi, ut dicamus, alterum distantiam intelligere ab eo fonte, qui ab Urbe distaret ulterius, alterum ab eo loco, ubi ambo jungebantur.

Fuit autem Fons Aquae Augustae supplementum Aquae Martiae, quam Augustus perduxit, quoribus siccitates ingruerent, a quo etiam haec Aqua fuit denominata. Ejus autem Fons nascebatur ultra Fontem Aquae Martiae, & antequam ad eam accederet, habebat passus dcc. Quia tamen Aqua Martia sufficere sibi videbatur, fons Aquae Augustae derivatus est in Aquam Claudiam. Et nihilominus Aqua Martia praesidiana Augustae habebatur, Claudiam Aquam adjuvante Augusta.

In eodem Aquaeductu, juxta Nosocomium Lateranense, quo in loco ego hunc Aquaeductum delineavi, haec legebatur Inscriptio sequens, prout id ipsum R. D. Raphaël Fabretus (*in sua Dissert. I. de Aquis & Aquaeduct.*) etiam ostendit ex veteri MS. instructissimae Bibliothecae D. Marcelli Severolii.

IMP. CAES. DIVI. M. ANTONINI

PII. GERM. SARM. FILIVS. DIVI. COMMODI
FRATER. DIVI. ANTONINI. PII. NEP. DIVI
HADRIANI. PRONEP. DIVI. TRAIANI
PARTHICI. ABNEP. DIVI. NERVAE. ADNEPOS

L. SEPTIMIUS. SEVERUS. PIVS

PERTINAX. AVG. ARABIC. ADIAB. PARTHIC
MAX. PONT. MAX. TRIB. POT. VIII. IMP. XI
COS. II. P. P. PRO. COS. ET


IMP. CAES. L. SEPTIMI. SEVERI. PII

PERTINACIS. AVG. ARABIC. ADIAB
PARTH. MAX. FIL. DIVI. M. ANTONINI
PII. GERM. SARM. NEP. DIVI. ANTONINI
PII. PRONEP. DIVI. HADRIANI. ABNEP. DIVI
TRAIANI. PARTHIC. ET. DIVI. NERVAE. ADNEP

M. AVRELIVS. ANTONINVS. PIVS

FELIX. AVG. TRIB. POTEST. IIII. PRO. COS
ARCVS. COELIMONTANOS. PLVRIFARIAM
VETVSTATE. CONLAPPOS. ET. CONRVPTOS
A. SOLO. SVA. PECVNIA. RESTITVERVNT

Aquaeductus Claudiae habebat longitudinem passuum XLV. millium. Ex eo rivo subterraneo passuum xxxv. millium, opere supra terram pass. x. millium. Haec Aqua in Commentariis habebat non plus quinaris II. millibus DCCCLVI. Ad caput Frontinus invenit quinaris III. mille DCVII. Ex his extra Urbem dabantur nomine Caesaris CCXVII. Privatis CCCCLXXXIX. Intra Urbem hae Aquae cum Aniene Novo jungebantur: & utriusque quinae dividiebantur per Regiones Urbis XIII. in Castella XCII.



A Q V A

A N T O N I N I A N A.



QVA ANTONINIANA, brachium Aquae Claudiae, appellatur ab Imperatore Bafiano Caracalla, qui sibi *Antoninorum* nomen affumpferat. Legitur quippe hic Imperator cum patre suo Septimio Severo restaurasse Aquaeductus Neronis, sicuti jam a nobis in Descriptione Aquae Claudiae est ostensum; quoniam Nero hos Aquaeductus perduxerat juxta montem Aventinum, quos Caracalla forte continuaverat usque ad *Thermas suas, quas, Spartiano teste (in Caracalla cap. 9.) exstruxerat omnium*

pulcherrimas.

Prope Portam, ex Tiburtino lapide constructam, quam in icone adjuncta expressimus, legitur NONIANA, litteris lateritiis & majusculis, cujus vocis priores litterae perierunt: aliqui exinde colligunt Aquae hujus denominationem.

Ibidem legitur quoque sequens Inscriptio, litteris vetustate corrosis, supra dictam Portam, cui superstructus postea fuit Aquaeductus hicce, prope AEdem D. Mariae in Dominica, in Monte Coelio.


P. CORNELIVS. P. F. DOLABELLA

C. IVNIVS. C. F. SILANVS. FLAMEN. MARTIAL Co S

EX. S. C

FACIVNDVM. CVRAVERVNT. IDEMQVE. PROBAVERVNT

Hi duo Consules fuerunt, An. U. C. DCCCLXIII. qui fuit annus post Christ. Nat. XIII. Hinc liquet, multo hanc Portam esse vetustiore ipsa Aquaeductu, cui conjuncta fuit postea. Apud Scriptores Veteres nulla hujus Portae fit mentio, cui nimirum usui ac fini fuerat excitata, quamque aedificandam curaverant, & probaverant ex Senatusconsulto Consules, in adducta Inscriptioe nominati. Non a vero prorsus alienum est, aedificium hoc quondam fuisse ex Urbanis Portis unam.



A Q V A

N E R O N I S.




ERO extructis arcubus voluit, ut deduceretur Aqua Claudia in Palatium. *Iti directi*, dicit Frontinus (*Lib. I.*) *per Coelium montem, juxta templum D. Claudii terminantur.* Et: *Nero Imperator Claudiam opere arcuato assumpsit, exceptam usque ad templum D. Claudii perduxit, ut inde distribueretur.* Castella erant ibi, per quae partim ad laevam versus Aventinum, partim ad dextram versus Palatinum aqua distribuebatur. Hi vero Arcus Neroniani magna ex parte hodie adhuc supersunt, Montem Coelium interfecantes longo tractu. Incipiunt enim Aquae, Claudiae nomine, intra Urbem a Porta Maggiore, secundum hortos Card. Frederici Corneli per dorsum Coelii, & procurrunt ad Basilicam Lateranensem, & in aedem S. Stephani, cognomine *Roumdam*, quae dicitur fuisse templum Claudii. *Modum*, aquae, quem acceperunt, ait Frontinus (*dicto loco*) *aut circa ipsum montem Coelium, aut in Palatium, Aventinumque, & in transiberinam regionem dimitunt.* Neronianos autem Arcus Severus, & Caracalla Filius reficiendos curarunt, prout ex vetere lapide observavit Marlianus, reperto ad Portam Naeviam, cujus Inscriptionem jam in Aquae Claudiae enarratione retulimus, ex qua quoque discimus *Coelimonianos* fuisse appellatos; quum jam ante Aquaeductus omnes Vespasianus ac Titus reddita aqua restituissem. De Claudia Aqua in Aventinum perducta scribit Cassiodorus (*Lib. VII. Variar. Form. 6.*) *Claudiam per tantam fastigii molem sic ad Aventini caput esse perductam, ut cum ibi ex alto lapsa ceciderit, cacumen illud excelsum, quasi inam vallem irrigare videatur, &c. Aegyptius Nilus certis temporibus crescens per campos jacentes superducto diluvio aëre sereno turbulentus exaestuât: sed quanto pulchrius est, Claudiam Romanam per tot secas montium summities lacacris ac domibus liquores purissimos fistularum uberibus emisisse; & ita aequaliter fluere, ut nunquam se possit desiderata subducere.*

Alii paulo aliter hae interpretantur, dicentes: Aquaeductus, qui a Porta Maggiore ad sinistram per Coelium Montem extenduntur, Neronianos fuisse, partemque Aquae Claudiae derulisse. Hae autem in re Frontinum auctorem sequuntur. Verba ejus sunt: *Finiuntur Arcus eorum (Claudia & Anienis) post hortos Pallantianos, unde in usum Urbis fistulis deducuntur, partem tamen sui Claudia prius in Arcus, vocantur Neroniani, ad speciem (speciem in alio MS.) Veterem, transfert: iti directi per Coelium Montem, juxta Templum Divi Claudii terminantur.* Ex his autem Frontini verbis colligitur: falsam esse divisionem Aquae Claudiae, quasi unus ductus e Coelio in Capitolium, alter in Aventinum tenderet. Verum hi subdivisionem pro prima & summa divisione obtrudere nobis conantur contra Frontinum; partis, nempe, illius, quae transferebatur per Arcus Neronianos, praetermissa altera, quae, ut Frontinus supra loquitur, *post hortos Pallantianos in usum Urbis fistulis deducebatur.*

Est hoc prae caeteris admiratione dignum, quod acceidit circa Montes Coelium & Aventinum. Hi quidem colles utebantur Maria & Julia. Sed postquam Nero Imperator Aquam Claudiam eo transtulit, exceptamque opere arcuato usque ad Templum D. Claudii perduxit, priores aquae non ampliat, sed omisit sunt. Castella enim nulla adjecit Nero, sed usus est iisdem, quorum veterem appellationem retinuit, sed mutata aqua, quemadmodum hae de re Frontinus loquitur.

Reliquiae horum Aquaeductuum Neronianorum supersunt hodieque, & pergunt ad AEdem SS. Joannis & Pauli, ab AEdem S. Stephani.



A Q V A

V I R G O.



Grippa in Urbem legitur perduxisse *Aquam Virginem*, ab oclavi lapidis diverticulo n. millia passuum via Praenestina, prope Rivum Herculeum; hunc quippe fugiens hujus Aquae cursus, *Virginis* ei nomen acquisivit, teste Plinio, qui de eadem Aqua haec scribit: (*Lib. XXXVI. cap. 15. sub finem*) *Agrippa, in aedilitate sua, adjecta Virgine Aqua, caeteris corrivatis, atque emendatis, lacus fecit dcc. praeterea salientes cv. castella cxxx. complura etiam cultu magnifica. Operibus his signa ccc. aerea, aut marmorea imposuit. Columnas ex marmore cccc. eaque omnia annuo spatio. Dion item (Lib. LIV.) Aquam, quae Virgo vocabatur, propriis sumptibus Agrippa adduxit, Augustamque nominavit. De hac eadem Aqua Frontinus ait (Lib. I.) Idem Agrippa, quum jam tertium Cos. fuisset, C. Sentio & Sp. Lucretio Coss. post annum tertium decimum, quam Juliam deduxerat, Virginem, in agro quoque Lucullano collectam, Romam perduxit. Virgo appellata est: quod quaerentibus aquam militibus puella Virguncula venas quasdam monstravit, quas secuti, qui foderunt, ingentem aquae modum invenerunt. Aedificula fonti appposita hanc virginem pictura ostendit. Concipiebatur Virgo via Collatina, ad miliarium viii. palustribus locis, signino circumjecto, continendarum scaturiginum causa. Adjucabatur ex compluribus aliis acquisitionibus. Veniebat per longitudinem pass. xi. millium cv. Ex eo rivo subterraneo pass. xl. millium dccc. lxxv. Supra terram pass. mccc. xl. Ex eo, substructione rivoorum locis compluribus pass. dcl. Opere arcuato pass. mccc. cv. Hujus Aquae adscriptus erat modus quinariorum dccc. lii. Mensura ad caput inveniri non poterat: quoniam ex pluribus, ut diximus, acquisitionibus constabat. Propterea Frontinus ipsam egit ad miliarium septimum; ubi invenit quinariorum duo millia div. amplius, quam in Commentariis, quinaris mccc. lii. Exhibant extra Urbem quinariae cc. reliquae n. mille ccc. div. debantur per regiones vii, viii, xiv. In castella xviii. Ex quibus nomine Caesaris quinariae dcl. ix. Privatis ccc. xlviii. Utibus publicis mccc. cxvii. Ex eo muneribus duobus quinariae xxvi. Lacubus xxv. quinariae lxi. Operibus publicis xvi. quinariae mccc. xxx. Antiquus vero Aquaeductus maximam partem vetustate & injuria temporum collapsus est: & Aqua, quae nunc perfertur in Urbem, concipitur prope Pontem Salarium, ex fonte, seu lacu, qui est in monte vulgo *de Zoie* nominato; & puto, hunc posse colligi ex quibusdam acquisitionibus, ex quibus Frontinus vult, hanc aquam fuisse auctam. In Anonymo ix. seculi a V. Cl. Mabillonio in *Analestis* edito, memoratur Forma Aquae Virginis prope Obeliscum S. Laurentii in Lucina, seu Aquaeductus cum arcubus, qui jam fracti erant, ut ibidem dicitur, quod sententiae Nardini favet, aquam Virginem has in partes derivantis. Aqua autem Virgo, ut est apud Calsiodorum (*Form. 6. Lib. VII. Variar.*) *Ideo sic appellata creditur, quod nullis sordibus polluitur. Nam quum aliae pluriarum inimicitie terrena commixtione violentur, haec aërem perpetuo serenum purissime labens unda mentitur.* Etiam nunc haec Aqua Virgo habetur omnium optima, saluberrima & purissima.*

Ager autem Lucullanus, ubi prius colligebatur, non est alius a Tusculano. Sed Luculli nomen accipit, quod is Villam splendidissimam in eo contruxisset. Nunc vero Frascatum vocant. Hujus vero Aquaeductus, subterraneo rivo perveniens in Campum Martium, attollitur sub colle Hortulorum. In aedibus Abbatis Scarlati invenitur Inscriptio, Lapidi Tiburtino incisa, nomen praeferebat Imperatoris Claudii.

TI. CLAUDIVS. DRVSI. F. CAESAR. AVGVSTVS. GERMANICVS
PONTIFEX. MAXIM. TRIB. POTEST. V. IMP. XI. P. P. COS. DESIG. IIII

ARCVS. DVCTVS. AQVAE. VIRGINIS. DISTVRBATO. PER. C. CAESAREM
A. FVNDAMENTIS. NOVVS. FECIT. AC. RESTITVIT

Non procul ab hoc loco leguntur versus sequentes in marmore quodam.

HVIVS. NYMPHA. LOCI. SACRI. CVSTODIA. FONTIS
DORMIO. DVM. BLANDAE. SENTIO. MVRMVR. AQVAE
PARCE. MEVM. QVISQVIS. TANGIS. CAVA. MARMORA. SOMNVN
RVMPERE. SIVE. BIBAS. SIVE. LAVERE. TACE

Hujus Arcus docet Ovidius partem Campi Martii transiisse (I. *Fast.* §. 463.)

*Te quoque lux eadem Turni soror aede recepit,
Hic, ubi Virginea Campus obitur aqua.*

Ex his quoque carminibus liquet, Juturnam juxta ejusdem nominis lacum, in quo submersa illi cognomen dedit, habitasse. Hujus lacus aqua est inter salubres, Auctore Varrone (in voce *Nympha Juturna*) *Nympha*, inquit, *Juturna*, quae juvaret: itaque multi aegroti propter id nomen hinc aquam petere solent. Id autem hodie fieri videmus e puteo, qui est in Aede *D. Mariae*, cognomine in *Via*, non longe a *Fonte Trevii*.

Nicolaus V. *Aquam Virginem*, multo jam ante dilapsam, Urbi reddidit, nomenque ejus in *Treviam* mutavit. Docet hoc fronti praeposita Inscriptio.

NICOLAUS. V. PONT. MAX.
POST. ILLUSTRATAM. INSIGNIBVS. MONVMENTIS. VRBEM.
DVCTVM. AQVAE. VIRGINIS. VETVSTATE. COLLAPSVN.
SVA. IMPENSA. IN. SPLENDIDIOREM. CVLTVM. RESTITVI.
ORNARIQVE. MANDAVIT.
ANNO. DOMINI. NOSTRI. IESV. CHRISTI. MCCCCLIII.
PONTIFICATVS. SVI. VII.

Sixtus IV. eam quoque restauravit, & amissam rursus Pius IV. recuperavit, ac restituit. Ciacconius (*de gestis Pii. IV.*) *Aquam Saloniā, olim Virgineam appellatam, in Urbem reduxit.*

Nunc fluit per Campum Martium, super arcuatum opus, ex lapide quadrato, deducta primum ex Agro Tusculano, ut ostendimus, per Agrippam; perque viam Collatinam, ut Frontinus scribit, incidit in Praenestinam, ut vult Plinius (*Lib. XXXI. cap. 3. med.*) Est vero hoc in primis observandum, *Capitula Arcuum Veteris Aquaeductus Virginis* supra terram eminere duntaxat, prout hoc conspicitur in iconē illorum nostra.

Solebant vero, qui in arte Gymnastica exercebantur in Campo, ablucere sudorem & pulverem hac Aqua, si Ovidio credimus (*Lib. III. Fast.*)


*Nunc ubi persusa est oleo labente juventus,
Defessos artus Virgine tingit aqua.*

Stattius autem eundem usum tribuit Aquae Anienis (*Silv. I. Bala. Hetr. §. 25.*)

*Quas praeceps Anien, atque exceptura natatus
Virgo juvat.*

Plinius vero hoc eam ornat elogio (*Lib. XXXI. cap. 3. medio*) *Quantum, inquit, Virgo tactu, tantum praestat Martia haustu.* Significat, hanc bibentibus salubrem, illam vero natantibus & lavantibus esse commodiorem. Fuit autem Aqua Virginis frigidior caeteris, ut Ovidius indicat (*III. de Arte v. 385.*) Hoc quoque legitur Aquaeductui Inscriptum extra Portam, vulgo dictam *del Popolo*, ad eum Fontem, quo villa Julia Aquis Virgineis irrigatur, ex Decreto Julii PP. III.

AQVAM. HANC. QVOD. VIRGO. EST.
NE. TEMERANTO.
SITIMQVE. FISTVLIS. NON. FLVMINE.
POCVLIS. NON. OSCVLO. AVT. VOLIS.
EXTINGVNTO.



CASTELLVM

AQVAE MARCIAE, seu TROPAEA MARI.



AQVAE MARCIAE CASTELLVM offert sese inter *S. Bibianae*, & *S. Eusebii* Templā; via, quae recta a *S. Mariae Majoris* Ecclesia ad *S. Crucis in Hierosolymis* ducit. Sunt autem huic superstruēti duo Arcus e lateribus: & fucē in his bina *Tropaea marmorea*, haud multis abhinc annis inde in Capitolium auecta, & translata. Ligonius autem in Paradoxis iudicat, aedificium illud fuisse *Castellum Aquarum*. Et certe Donatus censet, *Tropaea Marii* nullo modo illic fuisse, sed pro certo affirmat, fuisse istam molem *Castellum Aquae*. Siquidem, ut ex *Frontino* constat, (*Lib. I.*) *Aqua* tam *Clandia*, quam *Marcia*, effundebatur post hortos Pallandianos, qui fuerunt in Exquilis.

Plerique tamen ejus sunt sententiae, *Tropaea*, quae hoc in loco steterunt, posita fuisse *Mario*, devictis Cimbris, tum quod jam olim, vicum, qui illic est, *Cimbrium* nominarint, teste Petrarcha; tum quod Arcus isti triumphales, tam simplici ornatu, perquam egregie Marianis respondeant temporibus. Suetonius (*Caes. cap. 11.*) *Caesar*, inquit, *tropaea C. Marii de Jugurtha, deque Cimbris, atque Teutonis, olim a Sylla disjecta, restituit*. Obijciunt: *Tropaea Marii* de Cimbris jam olim in Capitolio fuisse crecta; sed hoc non esse verum, docet Plutarchus, qui sola illa de Jugurtha *Tropaea* a Boccho Rege Numidarum in Capitolio posita, refert.

Castellum autem *Aquae Marciae* hic fuisse, non est dubium. Transierunt per hoc *Castellum* tres *Aquae*, *Julia*, *Tepula* & *Marcia*, uti vulgo creditur, quae rursus illinc derivabantur per Urbem, ut liquet manifeste ex quinque foraminibus, etiam hodie illic conspiciendis: usque adeo hujus *Aquae* divisio in plura, & praecipue Tria Capita, in hujus Castelli ruderibus est non dubia.

Castellum in *Aquaeductibus* quid sit, optime docet Ulpianus (*l. 1. §. 39. hoc inter dictum ff. de aqua cotid. & aestiva.*) *Castellum*, inquit, est receptaculum, quod *Aquam publicam* suscipit. Usus Castellorum hic erat. Quum Ductus *Aquarum* ad divortia viarum, vel regionum essent perdueti, Castellum in Formarum summitate exstuebantur, ex quibus *Aqua* distribuebatur a Castellario per digitos, uncias & modulos, aedificiis privatorum, & operibus, muncibusque publicis. *Castellarius* igitur vocatur *Custos Castelli Aquarum*. Ostendit id sequens Inscriptio.

D . M
CLEMETI. CAESAR
VM. N. SERVO. CASTE
LLARIO. AQVAE. CL
AVDIAE. FECIT. CLAV
DIA. SABBATHIS. ET. SI
BI. ET. SVIS

Tropaea Romae pluribus in locis erant. *Valerius* autem *Maximus* duo *Marii* fuisse *Tropaea* scribit (*Lib. II. cap. 2. exempl. 3.*) *Tropaeum* porro dicebatur *Saxum*; aut *Arbor*, ramis decisis; aut *Arcus*, aut *Columna*, cum quadam in Victoris laudem Inscriptio. Suetonius (*Calig. cap. 45.*) *Truncatis arboribus, & in modum Tropaeorum adornatis*. Plutarchus conqueritur; imprudenter simul, & asperere nimis egisse primos ex Graecis, qui *Tropaea*, aut marmore incisa, aut aere sculpta facientes, odium simul & bellum

Tom. II.

N n

bellum

bellum a conservata vici ignominia, perpetuum reddidissent. Egebantur tropaea locis eminentibus. Sallustius, de Pompejo (in Fragmentis incertis) Devictis Hispanis Tropaea in Pyrenaeis jugis constituit.

Tropaei autem significatio, juxta Varronem, haec est. Hostium fuga Graece dicitur Τροπή; a τρέπω verito, quod ibidem loci erigebantur, ubi hostes primum terga vertere coeperant. Hinc spolia capta fixa stipitibus appellantur Tropaea vel corrupte Trophaea; utroque enim modo scriptum reperitur.

Cacterum Tropaea, quorum modo mentionem fecimus, quaeque conjiciuntur, Mario fuisse posita, non sunt illius, sed Trajano, propter victorias a Dacis reportatas, erecta. Et haec quidem D. Bellorii certa est sententia, argumentis ex ratione artis statuariae desumptis, quae plane respondet temporibus Caesaris hujus. Et sane in Columna Imperatoris hujus conspiciuntur non alterius formae clypei, galeae, loricae, gladii, aliaque instrumenta militaria, atque quibus Trajanus cernitur usus fuisse in Bello Dacico. Et nec ipse a vero prorsus alienum existimaverim, Aquae Marciae Castellum hocce a Trajano fuisse auctum & ornatum, qui & isthaec ornamenta poni, atque fieri in eo jusserit, Frontino teste. Montefauconius tamen in his dissentit a D. Bellorio, cujus haec sunt observationes. Eodem itinere visitur Castellum Aquae Marciae semirutum, a cujus fronte Tropaea Marii olim sita, ut ex ipsis Tropaeis, quae ibidem erecta proximis seculis erant, atque ex remotissima traditione discimus. Qua de re haud leves exortae controversiae, & ad hos poene dies productae. At rem probe tenentibus nihil loci controversiis, ac quaestionibus. Tropaea illic fuisse, nemo inficias eat. Ea autem ipsa fuisse, quae C. Mario de Cimbris & Teutonibus erecta sunt, haud minus certum; nam a multis jam seculis locus Cimbrum vocatur. Rem aperte testatur Anonymus XIII. seculi. Sic ille habet. In Exquilino monte fuit templum Marrii, quod nunc vocatur Cimbrum, eo quod vicit Cimbro. Licet enim, pergit Montefauconius, imperite Templum Marrii illic constituat, quia fortasse, ut mugax erat, Castrum Aquae Marciae pro templo habuit, nibilo minoris est momenti, ad Tropaea Cimbrica ibidem reponenda: quod item Petrarcha confirmat, longe melioris notae scriptor. Hinc est, quod, a multis retro seculis, Ecclesia S. Eusebii proxime sita ad Cimbrum vocetur, a Tropaeis nempe Cimbricis.

FINIS TOMI SECUNDI.

I N D E X

E F F I G I E R V M,

Ut Operi inferantur e regione Titulorum a Bibliopego.

Effigies secundi Tomi omnes Notam habent Lit. *b*

T O M V S I I.

Num.		Pag.	Num.		Pag.
1 ad 3.	<i>Arcus Titi. III. Tab.</i>	- - 1	24.	<i>Columna Milliaris.</i>	- - - 37
4.	<i>Septimii Severi.</i>	- - 3	25.	<i>Duilis.</i>	- - - 39
5.	<i>Horatii Coclitis.</i>	- - 5	26.	<i>Incognita.</i>	- - - 41
6.	<i>Septimii Severi in Foro Boario.</i>	7	27.	<i>Pactis.</i>	- - - 43
7.	<i>Gallieni.</i>	- - 9	28.	<i>Antonini.</i>	- - - 45
8 & 9.	<i>Constantini. II. Tab.</i>	- 11	29 & 30.	<i>Tbermae Titi. II. Tab.</i>	- - - 47
10.	<i>Obeliscus S. Mabuti.</i>	- - 13	31.	<i>Philippi.</i>	- - - 49
11.	<i>Barberinus.</i>	- - 15	32 ad 34.	<i>Diocletiani. III. Tab.</i>	51
12.	<i>Ludovicianus.</i>	- - 17	35.	<i>Agrippae.</i>	- - - 53
13.	<i>Mediceus.</i>	- - 19	36 ad 42.	<i>Antoninianae. VII. Tab.</i>	55
14.	<i>Mattbeus.</i>	- 21	43.	<i>Neronis & Alexandri.</i>	57
15.	<i>S. Mariae Majoris.</i>	23	44.	<i>Balnea Pauli.</i>	- - - 59
16.	<i>Populi.</i>	- - 25	45.	<i>Fons Antiquus in Foro Romano.</i>	61
17.	<i>S. Mariae supra Minervam.</i>	27	46.	<i>Aqua Claudia.</i>	- - - 63
18.	<i>Vaticanus.</i>	- - 29	47.	<i>Antoniniana.</i>	- - - 65
19 & 20.	<i>Pamphilus. II. Tab.</i>	31	48.	<i>Neronis.</i>	- - - 67
21.	<i>S. Ioannis Lateranensis.</i>	33	49.	<i>Virgo.</i>	- - - 69
22 & 23.	<i>Forum Nervae. II. Tab.</i>	- - 35	50.	<i>Castellum Aquae Marciae.</i>	- 71